



詩

十八  
十八  
十八

大雅

萬三什

服部文庫

117

166

24



117  
166  
24

毛詩疏卷第十八 十八之一

漢鄭氏箋

唐孔穎達疏

毛詩大雅

蕩之什 訓傳第二十五

蕩者穆公傷於室大壞也 厲王無道天下蕩蕩無綱

紀文章故作是詩也 又作齊魯內召公召伯者同

蕩者八世孫八何至是詩。正義曰：蕩詩者召公之詩。公孫氏以魯國在之。大壞也。以厲王無道。故其言也。亂是王之政。其後天下蕩蕩然。



161  
24

伯詩



毛詩疏卷第十八

十八之一

漢鄭氏箋

唐孔穎達疏

毛詩大雅

蕩之什詁訓傳第二十五

蕩召穆公傷周室大壞也厲王無道天下蕩蕩無綱

紀文章故作是詩也

。蕩蕩唐黨反召時照反本又作邵卷內召公召作皆同

疏蕩八章章八句至是詩。正義曰蕩詩者召穆公所作以傷周室之大壞也以厲王無人君之道行其惡政反亂先王之政致使天下蕩蕩然法度廢滅無復有綱紀文章是周之王室大壞敗也

毛詩疏

卷之二十一

及古閣

故穆公作是蕩詩以傷之傷者刺外之有餘哀也其恨深於刺也瞻仰召旻皆云刺幽王大壞此不言刺厲王而云傷周室者幽王承宣王之後父善子惡指刺其身此則厲王以前周道未缺一代大法至此壞之故言傷周室大壞此經八章皆是大壞之事首句言蕩蕩為下之總目故序亦述首句以為一篇之義言天下蕩蕩無綱紀文章綱紀文章謂治國法度聖人有作莫不皆是此經所傷傷其盡廢之也

**蕩蕩上帝下民之辟**

**傳**

上帝以託君王也辟君也

**傳**云

蕩蕩法度廢壞之貌厲王乃以此居人上為天下之君言其無可則象之甚

之辟必亦反注同

沈云毛音婢並反

**疾威上**

**帝其命多辟**

**傳**

疾病人矣威罪人矣

**傳**

云疾病人者

重賦斂也威罪人者峻刑法也其政教又多邪僻不由舊章

反駿荀閏反本亦作峻邪似嗟反

天生烝

**天生烝**

**民其命匪諶靡不有初鮮克有終**

**傳**

諶誠也

**傳**云烝

衆鮮寡克能也天之生此衆民其教道之非常以誠

信使之忠厚乎今則不然民始皆庶幾於善道後更

化於惡俗

烝之承反諶市林反鮮息

**傳**蕩蕩至有

曰穆公傷厲王無道壞滅法度言今蕩蕩然廢壞法

度者上帝之君王乃以此無法度而為下民之君也

又言王無法度之事重賦斂以疾病人峻刑法以威罪人如此者是上帝之君王又其下政教之命甚多邪僻言其無法度不由舊章也元本天之生此衆民其使人君為政教之命以教導之非欲使之誠信乎

言言通  
 言天欲使之誠信今王以邪僻教之故民皆無復誠  
 信無不有其初心欲庶幾慕善道少能有其終行今  
 皆化從惡俗是違天生民立教之意故所以傷之也  
 所壞不得與蕩蕩共文故知上帝以託君王言其不  
 敢斥王故託之上帝也板傳曰上帝以稱王者桑柔  
 傳曰昊天斥王然則王稱天稱帝詩之通義而言託  
 者以下章不敢斥言乃假文王咨商明知此亦不斥  
 故變言託耳其時稱帝亦斥王此下諸章皆言文王  
 曰咨此獨不然者欲以蕩蕩之言為下章總目且見  
 實非殷商之事故於章首不言文王以起發其意也  
 辟君釋詁文。蕩蕩至之甚。正義曰蕩蕩是廣  
 平之名非善惡之稱若論語云蕩蕩乎民無能名焉  
 洪範云王道蕩蕩言其無復惡事善事廣平是蕩蕩  
 為善也此序言蕩蕩無綱紀文章言其除去善事知  
 此蕩蕩是法度廢壞之貌釋訓云蕩蕩僻也孫炎曰  
 蕩蕩法度廢壞之僻取此箋為說也。疾病至舊  
 章。正義曰此申說傳意也人以財貨而生財盡則

人因病故知疾病人者重賦斂也君以刑人威人法  
 峻則人得罪故知威罪人者峻刑法也君之於人唯  
 此而已故知是此二事也峻者高險之名謂重其科  
 禁不可登陟如山之陵阪然其政教又多邪僻不由  
 舊章不依周公所制典禮先王所行舊法也。謙  
 誠。正義曰釋詁文。烝衆至惡俗。正義曰烝  
 衆鮮寡皆釋詁文克能釋言文言天意欲使人君發  
 命教民當以誠信忠厚既本天意又傷今政言當今  
 之民皆有始無終是由人君不施忠厚之命而下邪  
 僻之教故民化於惡俗教之使然以王政不順天故  
 反覆言之民始皆庶幾於善道言民生自有此性後  
 更化於惡俗謂君政令之變改言靡不為盡然之辭  
 鮮克為少有之稱文不同者容有  
 君子不改其操故言鮮以見之  
**文王曰咨咨汝殷**  
**商曾是彊禦曾是掎克曾是在位曾是在服**  
 也強禦強梁禦善也掎克自伐而好勝人也服服政

事也。云厲王弭謗穆公朝廷之臣不敢斥言王之惡故上陳文王咨嗟殷紂以切刺之女曾任用是惡人使之處位執職事也。禦魚呂反。掎蒲侯反。聚歛也。徐又甫垢反。好呼報反。朝直遙反。下。天降滔德女興是力。天君滔慢也。厲王施倨慢之化女羣臣又相而力為之言競於惡。滔他刀反。漫也。漫亡諫反。本亦作慢。又作媮。下同。一音亡半反。倨居庶反。正義曰。穆公傷王之惡。又不敢斥言。答文王以紂政亂。數嗟嘆之。故穆公假為之辭。以責厲王。言文王恨紂。始言曰。咨。咨嗟乎。汝殷商之君。汝為人君。當任用賢者。何曾以是彊梁禦善之人。何曾以是矜持好勝之人。曾任用二者惡人。使之在位執職事乎。既責其君。任非其人。又責此臣。助君為惡。言比天之王者。此

倨慢之德化。已自惡矣。汝等何為起是氣力而佐助之。以其同惡相成。故至於大壞。所以傷之也。嗟至政事。正義曰。咨是歎辭。故言嗟以類之。非訓為嗟也。彊梁者。任威使氣之貌。禦善者。見善事而抗禦之。是心不嚮善。不從教化之人也。自伐解捨好勝。解克定本。掎作倍。倍即捨也。倍者不自量度。謂已兼倍於人。而自矜伐。論語云。願無伐善。是也。克者勝也。已實不能。恥於受屈。意在陵物。必勝而已。如此者。謂之克也。釋詁云。服事也。且在服與在位對文。故知服政事。謂非徒備官。又委任之也。厲王至職事。正義曰。民勞亦穆公所作。皆斥王惡。此篇獨畏弭謗。不斥言者。民勞之詩。汎論王惡。欲王惠中國。以綏四方。其惡非深。不須假託。蕩則陳王凶暴。將至滅亡。號呼沈湎。俾晝作夜。其言既切。故假文王至如家父作誦。自著已名。凡伯芮伯。直言不諱者。其人既異。所作有殊。二章箋。獨言厲王者。以假託文王。咨嗟殷紂。不得不言厲王。六章以下。言殷紂者。以小大近喪。顛覆滅亡之事。故指言殷紂。又經之設文。須有是句。四言

曾是其義為一故箋并言之汝曾任用是惡人使之  
處位執職事也言曾者謂何曾如此今人之語猶然  
○**傳**天君滔慢。正義曰天君釋詁文以言汝與是  
力責臣明是人君非上天也。虛君所下明是慢人之  
德故以滔為慢也。○**傳**厲王至於惡。正義曰此箋  
言厲王自下單言王省文也。枉身為德施行為化內  
外之異耳相與而力為之。文王曰咨咨女殷商而乘  
定本作相與而力為之。**義類彊禦多對流言以對寇攘式內**。○**傳**對遂也。○**傳**云  
義之言宜也。類善式用也。女執事之臣宜用善人反  
任彊禦眾對為惡者皆流言謗毀賢者王若問之則  
又以對寇盜攘竊為姦宄者而王信之使用事於內  
○**傳**對直類反攘。侯作侯祝靡屆靡究。○**傳**作祝詛也。屆  
如羊反宄音軌。

補脫註同本或作究非靡屆音界極也靡究音救

且

極究窮也。○**傳**云侯維也。王與羣臣乖爭而相疑也。祝  
詛求其凶咎無極也。○**傳**作側慮反注同本。○**傳**文王至  
毛以為文王曰咨咨嗟汝殷商汝秉執政事之臣宜  
用善人何為不用善人反更信任彊禦眾對為惡之  
人為流言以遂成其惡事者又寇盜攘竊為姦宄之  
人王信任之使用事於內小人用事數相謗毀遂令  
君臣乖爭以致相疑維為是詛維為是祝求告鬼神  
令加凶咎無有終極窮已之時置小人於朝以祝詛  
求信是綱紀廢滅可傷之甚。鄭唯流言以對為異  
言此強禦眾對為惡之人作為流言謗毀賢者若王  
問賢人則以此謗毀而對使王不得用之餘同。○**傳**  
對遂。正義曰釋言文。○**傳**義之至於內。正義曰  
凡言義者允於事宜故云義之言宜以義為宜則而  
為汝矣。類善釋詁文式用釋言文眾對為惡者對謂  
狼戾戾非一人故言眾也。此彊禦眾對之人不但狼  
戾而已又皆流言語以謗毀賢者王若問之則又以

毛詩疏

卷之二十五

及古閣

對謂就此衆懟之人問賢人之行則又以謗毀之言對王令王不用之使賢者黜退也既退賢者乃進其黨類故寇盜攘竊爲奸宄者進在王朝而信之使用事於內也上言執事下言用事於內則執事者亦在內矣但執事者舊在王朝用事者後來之人以小人後至而自外入內故云式內以充之言寇攘者費誓注云寇劫取也因其亡失曰攘盜竊則總名故箋以盜竊配之。傳作祝至究窮。正義曰作卽古詛字詛與祝別故各自言侯傳辨作爲詛故言作祝詛也屈極究窮皆釋言文。傳侯維至極已。正義曰釋詁云維侯也故侯得爲維上言用惡人在官此言詛祝明是王與羣臣乖爭相疑而祝詛也靡屈靡究言其無窮已之時故知日日爲之也詛者盟之細事用豕犬雞三物告神而要之祝無用牲之文蓋口告而祝詛之也皆是情不相信聽以明神若有犯約使加之內禍故云求其凶咎無極已。文王曰咨咨女殷商女桀然于中國歛怨以爲德。傳桀然猶彭

補脫無背布內反又蒲妹反後也

亨也。云桀然自矜氣健之貌歛聚羣不逞作怨之人謂之有德而任用之。傳桀然猶彭

爾德時無背無側。傳背無臣側無人也。云無臣無

人謂賢者不用爾德不明以無陪無卿。傳無陪貳也

無卿士也。傳陪本又作。文王至無卿。正義曰言

官不得人徒彭亨然自矜莊以爲氣健在於中國歛

聚此志意不逞好作怨之人以爲有德而任用之由

其任用惡人以爲德故不光明汝王之德也。正義曰

後無良臣傍側無賢人也故又言汝王之德所不以

光明者以其無陪貳大德之公無幹事明誓之卿故

也王何故聚此小人使之用事。傳桀然猶彭

正義曰桀然猶彭是人之形狀故言自矜莊氣健之貌與

傳彭亨一也上章言用惡人在官下章言傍無賢人



故知歛怨以為德，謂聚羣不逞，作怨之人，謂之為有德，而任用之，羣不逞，襄十年左傳文，逞快也。謂志意不快，好作怨禍者也。○**傳**無陪至卿士。正義曰：陪貳謂副貳王者，則三公也。卿士謂六卿也。昭二十二年左傳曰：物有陪貳，天生季氏，以貳魯侯，諸侯以上卿為貳，則知天子陪貳唯三公也。冢宰雖亦貳王治事，當從卿士之列也。**文王曰咨，咨女殷商，天不洎爾，以酒不義**

**從式****傳**義宜也。**箋**云：式，法也。天不同女顏色，以酒有

沈湎於酒者，是乃過也，不宜從而法行之。**反徐莫顯**

**飲酒閉門不出，客曰湎。****既愆爾止，靡明靡晦，式號**

**式呼，俾晝作夜。****傳**使晝作夜也。**箋**云：愆，過也。女既過

沈湎矣，又不為明晦，無有止息也。醉則號呼相倣用。

晝日作夜，不視政事。**○愆本又作讐，起連反。號，戶刀**

同。崔本作譁，或一本作或號，或呼，俾必爾反。使也。本亦作卑，後皆同。沈本或作湛，都南反。不為于偽反。

**疏**文王至作夜。正義曰：上言任非其人，此言其共荒如是，天不洎然，同汝顏色，以酒汝乃自耽，此酒使

色同耳。此乃過誤之事，不宜從而法行之。汝沈湎如

是，既已愆過於汝之容止，又無明無晦而飲酒不息

及其醉也，用是叫號，用是譁呼，使晝日作夜，不嘗視

事，此取以大壞。**箋**天不至行之。正義曰：酒誥注

云：飲酒齊色曰湎，然則湎者顏色湎然，齊一之辭。故

云：天不同汝顏色，亦謂湎為同色也。湎者人之所為，

非天生之物，聖人用酒所以祭祀養賢，周公作戒，使

德將無醉，是湎然而醉者。**文王曰咨，咨女殷商，如蜩**

**如蟴，如沸，如羹。****傳**蜩，蟬也。蟴，蠶也。**箋**云：飲酒號呼之

人自為之，非天為之也。

近

聲如蝸蟾之鳴其笑語沓沓又如湯之沸羹之方熟

○蝸音條蟾音唐沸方味反蟬市延反字林云蝸蟾

蝸音偃蟬屬也草木疏云一名切蟬青徐謂之蟻蟻

楚人名之蟻蛄秦燕謂之蛟蚋或名之蜉蝣

郭云俗呼為胡蟬江南謂之蟾蜍沓徒答反

**喪人尚乎由行**言居人上欲用行是道也

紂之時君臣失道如此且喪亡矣時人化之甚尚欲

從而行之不知其非近喪附近之

及鬼方**傳**夔怒也不醉而怒曰夔鬼方遠方也

此言時人伏於惡雖不有醉猶好怒也

南反快市制反又特設反

設文云習也好呼報反

文王至鬼方

文王曰咨咨嗟汝殷商

舊音備覃徒

毛以為

設文云習也

好呼報反

文王曰咨咨嗟汝殷商

舊音備覃徒

毛以為

設文云習也

好呼報反

文王曰咨咨嗟汝殷商

舊音備覃徒

毛以為

設文云習也

鄭字白字非甚

汝君臣飲酒其號呼如蝸之聲如蟾之鳴言其謹譁

之無次也其笑語如湯之沸如羹之熟言其嚙沓無

節也王者所行無小無大莫不皆近喪亡以此行居

人之上於是猶欲下民用行此道也由君欲民行故

天下化之惡及四遠王初夔然不醉而怒在於中國

但人皆倣之此夔然惡行乃延及中國之外至於鬼

方之遠鄉言其惡化之廣也

○唯小大近喪謂君

臣失道近於喪亡時人化之其猶尚於是欲從而行

之言舉世皆不知其惡也

○蝸蟬蟾蝸

釋蟲云蝸蝮蝸蟾舍人曰皆蟬也方語不同三輔以

西為蝸梁宋以東謂蝸為蝸楚地謂之蝸蛄楚辭云

蝸蛄鳴兮啾啾是也陸機疏云蟾一名蝸切字林切

或作蝮也青徐人謂之蝸蟻然則蟾蝸亦蟬之別名

毛詩疏

卷之二八

及古閣

為用言居人上欲用行此道謂欲使天下民從已之  
行。殷紂至其非。正義曰以言近喪紂實喪亡  
鬼方殷之諸侯則其言施於紂世故云殷紂之時以  
覃及鬼方是化流於遠故易傳以為時人化之甚尚  
欲從而行之不知其非由人做其非欲從而行之不  
知其非故惡及遠地為文之次也。○傳 纆怒至遠方  
。正義曰西京賦云巨靈夔夔以流河曲則夔者怒  
而自作氣之貌故為怒也怒不由醉而云不醉而怒  
者以其承上醉事嫌是醉時之怒故辨之焉此雖怒  
時不醉乃是醉醒而怒亦由酒醉所致故既言飲酒  
無節即又責其夔怒也中國是九州覃及是及遠故  
知鬼方遠方未知何方也易既濟九三高宗伐鬼方  
三年乃克象曰愬也言疲憊而後克之以高宗  
之賢用師三年憊而乃克明鬼方是遠國也。文王  
曰咨咨女殷商匪上帝不時殷不用舊。傳 云此言紂  
之亂非其生不得其時乃不用先王之故法之所致

雖無老成人尚有典刑。

云老成人謂若伊尹伊陟

臣扈之屬雖無此臣猶有常事故法可按用也。音戶。扈

曾是莫聽大命以傾。

云莫無也朝廷君臣皆任喜

怒曾無用典刑治事者以至誅滅。

文王至以傾。正義曰文王曰

咨咨嗟汝殷商汝所以將至滅亡者非為上帝生之  
使不得其時乃由汝殷紂自不用先王舊故之法所  
致耳又言其不用舊故之事今時雖無年老成德之  
人若伊陟之類猶尚有先王常事故法可按而用之  
汝今君臣皆任喜怒以自專恣曾於是常事故法莫  
肯聽受用之由此汝之大命以致傾覆而誅滅今王  
何不以紂為戒自改悔乎。傳 老成至案用。正義  
曰以殷不用舊章即以殷臣言之故云老成人謂若  
伊尹伊陟臣扈之屬於厲王則周召毛畢之倫也君  
奭曰在昔成湯既受命時則有若伊尹在太甲時則

折木

有若保衡在太戊時則有若伊陟臣扈巫咸在祖乙時則有若巫賢在武丁時則有若甘盤注云伊尹名摯湯以為阿衡以尹天下故曰伊尹至太甲改曰保衡則伊尹保衡一人也伊陟伊尹之子據君奭之文從上言之盡臣扈三人以下猶有巫咸巫賢甘盤故言之屬以包之。朝廷至誅滅。正義曰以莫為總辭故知朝廷君臣也不用典刑則是自制威福故云皆任喜怒雲漢云大命近止謂民之性命此言大命以傾亦謂君臣性命故云以誅滅。文王曰咨咨女殷商人亦有言顛沛之揭枝葉未有害本實先撥。顛什沛拔也揭見根貌。云揭蹶貌撥猶絕也言大本揭然將蹶枝葉未有折傷其根本實先絕乃相隨俱顛拔喻紂之官職雖俱存紂誅亦皆死。顛都田反沛音貝揭紀竭反撥蒲末反什蒲北反。

又音赴拔皮八反又半末反見賢遍反謂樹根露見王如字言可見蹶其厥反沈居衛反一音厥。殷鑒不遠在夏后之世。云此言殷之明鏡不遠也近在夏后之世謂湯誅桀也後武王誅紂今之王者何以不用為戒。夏戶雅。文王至之世。正義曰文賢哲之人亦有遺言云樹木欲將顛什傾拔之時其根揭然而見此時枝葉未有折傷之害而根本實先斷絕但根本既絕枝葉亦從而絕以喻王位將欲傾覆喪亡之時而其勢微弱而危此時羣臣未有死亡之害而王身實先誅滅王身既滅羣臣亦隨之而滅汝若不信則殷之所鑒鏡者非遠耳止近在往前夏后之世言桀為成湯所誅紂惡亦當為周人所殺汝何以君臣同惡不用典刑也此意欲令厲王以紂為鑒改脩德教故也。顛什至根貌。正義曰顛是倒頓之名什是偃僵之義故以顛為什謂樹倒也沛

三詩流 卷之二十一 及古閣

止

者忽遽離本之言此論本事故知為拔謂樹拔也揭  
者蹶倒之意故以為見根貌此顛沛之揭正謂樹將  
倒拔而已見其根但未絕耳。揭蹶至皆死。正  
義曰傳言見根不辨根之所見故以揭為蹶貌蹶謂  
倒也樹倒故根見與傳同撥者撥去之去其餘根故  
云猶絕也揭實已倒故云蹶貌但倒不至地根猶未  
盡故枝葉未有折傷本實先絕枝葉乃與根相隨俱  
披喻糾未滅之前官職雖俱存糾誅則與之皆死也  
稱人亦有言者牧誓文亦如此注云以古賢  
之言為驗是苦其不信故引古以為證也

### 蕩八章章八句

抑衛武公刺厲王亦以自警也

云自警者如彼泉

流無淪胥以亡

密也。抑於力反抑

抑十二章上三

章章十句至自警。正義曰抑詩者衛武公所作  
以刺厲王也。雖志在刺王亦所以自警戒已身以

亡下一右之言也三字

王之為惡將致滅亡羣臣隨之已亦淪陷故箋指  
而言之。自警至以亡。正義曰言無如泉水  
相率俱亡是則已亦恐亡自警之意故以此句當  
之楚語云昔衛武公年九十有五矣猶箴儆於國  
曰自卿以下至於師長苟在朝者無謂我老而捨  
我於是乎作懿以自儆韋昭云昭謂懿詩大雅抑  
之篇也抑讀曰懿毛詩序曰抑衛武公刺厲王亦  
以自警如昭之言武公年耄始作抑詩按史記衛  
世家武公者僖侯之子共伯之弟以宣王三十六  
年即位則厲王之世武公時為諸侯之庶子耳未  
為國君未有職事善惡無豫於物不應作詩刺王  
必是後世乃作追刺之耳正經美詩有後王時作  
以追美前王者則刺詩何獨不可後王時作而追  
刺前王也詩之作者欲以規諫前代之惡其人已  
往雖欲盡忠無所裨益後世追刺欲何為哉詩者  
人之詠歌情之發憤見善欲論其功觀惡思言其  
失獻之可以諷諫詠之可以寫情本願申已之心  
非是必施於諫往者之失誠不可追將來之君庶

或能改雖刺前世之惡冀為未然之鑒不必虛君  
見在始得出辭其人已逝即當杜口雨無正之篇  
鄭為流彘後事既出居政不由已雖欲箴規亦無  
所及此篇彼意於義亦同以此知韋氏之言為得  
其實若然日警者羣臣為惡恐禍及已若前人已  
死則非禍所及而箋所以責厲王之臣為武公自  
警者以人之得失在於朋儕武公雖非厲王之臣  
亦是朝廷之士淪胥以敗無世不然冀望遠彼惡  
人免其患禍雖文刺前朝實意在當代故誦習此  
言以自肅警侯包亦云衛武公刺王室亦以自戒  
行年九十有五猶使臣日誦是詩而不離  
於其側其意亦取楚語為說與韋昭小異

**抑抑威儀維德之隅人亦有言靡哲不愚**  
抑抑密也

隅廉也靡哲不愚國有道則知國無道則愚云人  
密審於威儀抑抑然是其德必嚴正也古之賢者道

行心平可外占而知內如宮室之制內有繩直則外  
有廉隅今王政暴虐賢者皆佯愚不為容貌如不肖  
然。哲本又作詰亦作愨陟庶人之愚亦職維疾哲  
列反智也下同則知音智

**人之愚亦維斯戾**  
職主戾罪也云庶衆也衆人

性無知以愚為主言是其常也賢者而為愚畏懼於  
罪也抑抑至斯戾。正義曰此時厲王弭謗賢者  
之廉隅矣言內有其德則外有威儀與德之為廉隅  
也若外無威儀則內無德行是為愚人矣古之賢人  
有言曰無道之世無有一哲人而不為愚者言當時  
賢哲皆故毀威儀而佯為愚人也若衆庶凡人之為  
此愚亦主由維有疾病故耳今哲人之為此愚亦維  
乃畏懼於時之罪戾非性然也由王酷虐濫刑無罪

故賢哲之人皆佯為愚病言王虐之甚也。抑抑至則愚。正義曰：抑抑密釋訓文，舍人曰：威儀靜密也。隅者角也，廉者稜也，角必有稜，故云廉隅。集註定本廉下皆無隅字，其義是也。哲者智也，愚者癡也。上智下愚不移之定分，而云靡哲不愚，故解之云：國有道則智，國無道則愚。論語說：甯武子之行為然也。人密至不肯然。正義曰：此以屋之外角喻人之外貌，由內方而外正，故觀外而知內，故人能密審於威儀，抑抑然，是其德必嚴正也。縣口其繩則直，是內有繩直也。斯干曰：如矢斯棘，毛以棘為稜，廉是外有廉隅也。宮室可入內而觀之，人則不可忖度而知之。故言古之賢者可以外占而知內。職主戾罪。正義曰：無競維人，四方其訓之，有覺德行，四國順之。皆釋詁文。無競，競也，訓教覺直也。云競，彊也。人君為政無彊於得賢人，得賢人則天下教化於其俗，有大德

行則天下順從其政，言在上所以倡道。行下孟反，下同。倡，昌亮。反道徒報反，本亦作導，下教道同。訐，謨定命，遠猶辰告。訐，大謨，謀猶道辰時也。云猶，圖也。大謨定命，謂正月始和布政于邦國都鄙也。為天下遠圖庶事，而以歲時告施之。。訐，況于反，謨，莫蒲反，沈云：本亦作。漢音莫為于，偽反，篇末今我為王同。敬慎威儀，維民之則。云則，法也。無競至之則。毛以為上言用賢者使之慎，儀言人君為國無彊乎維，在得其賢人若得賢人，則國家彊矣，所以得賢則彊者，以此賢人有德，四方之俗有不善者，其可使此賢人教訓之，此賢人可以教訓者，此賢者有正直大德行，四方之民得其教化，其皆慕仰而順從之，四方皆順是為彊也。又言施教之法，當豫大計，謀定其教命為長遠之

道而以時節告民施之王之朝廷又當敬慎其舉動  
威儀維與下民之為法則也言王當如此不得棄賢  
不用使民無所法也鄭唯以猶為圖為異餘同  
無競至覺直正義曰以得賢則彊而云無競故  
知反其言也訓教誨之別名故為教也釋詁云格較  
直也與覺字異音同競彊正義曰釋言文  
唯彼猶作繇耳釋訓云不辰不時也是辰為時  
猶圖至施之正義曰以命既是道故以猶為圖既  
云謀定而別云時告則謀定時未告也太宰職曰正  
月之吉始和布治於邦國都鄙乃懸治象之法於象  
魏使萬民觀治象狹日而歛之小宰職曰正歲帥治  
官之屬而觀治象之法周禮言正歲者皆謂夏之正  
月太宰言正月懸之小宰言正歲觀之則是再懸之  
也故彼注云正月周之正月也吉謂朔日也太宰以  
正月朔日布王治之事於天下至正歲又書而懸於  
象魏使萬民觀焉周禮六官其存者五惟春官無此  
事其餘皆有之唯所主異耳然春官主禮周公所制

芳

永為定法更不改張故不須再懸上之教命不過六  
典和之告之二時不同與謀定時告相合故以大謀  
定命謂正月始布政教于邦國都鄙是也為天下遠  
圖庶事而以歲時告施之即正歲懸之象魏是也邦  
鄙謂畿內采邑其在于今與迷亂于政顛覆厥德  
荒湛于酒云于今謂今厲王也與猶尊尚也王尊  
尚小人迷亂於政事者以傾敗其功德荒廢其政事  
又湛樂於酒言愛小人之甚覆替服反下覆謂覆  
及下同樂音洛女雖湛樂從弗念厥紹罔敷求先王  
克共明刑紹繼共執刑法也云罔無也女君臣  
雖好樂嗜酒而相從不當念繼女之後人將倣女所



為無廣索先王之道與能執法度之人乎切責之也。  
○共九勇反注同好呼報反嗜  
市志反微戶教反索所白反  
其枉至明刑。正義曰上言用賢可使四方順從此言今之不能也其枉於今之厲于不能用賢之故而尊尚其小人使迷亂於政教以傾敗其功德荒廢其政事又耽樂於酒是愛小人之甚也汝雖好耽樂嗜酒而相從縱令不慙於今時何故弗念其繼汝之人不慮子孫將效之也汝何故無心欲廣索先王之道及能執守明白法度之賢人而用之乎責其不用賢者而與小人荒耽。  
○正義曰興謂舉而用之故為尊尚以覆為傾敗故云傾敗其功德。  
○正義曰皆釋詁文唯彼共作拱耳。  
**肆皇天弗尚如**  
**彼泉流無淪胥以亡**  
淪率也  
云肆故今也胥皆也  
 也王為政如是故今皇天不高尚之所謂仍下災異

見

恤

也王自絕於天如泉水之流稍就虛竭無自率引為惡皆與之以亡戒羣臣不中行者將并誅之。  
音倫  
**興夜寐洒掃庭內維民之章**  
洒灑章表也  
文章法度也厲王之時不泄政事故戒羣臣掌事者以此也  
掃素報反庭音廷灑色解反  
**脩爾車馬弓矢**  
**戎兵用戒戎作用邊蠻方**  
邊遠也  
云邊當作剔剔治也蠻方蠻畿之外也此時中國微弱故復戒將帥之臣以治軍實女當用此備兵事之起用此治九州之外不服者  
將子匠反帥所類反本或作率  
湯他歷反沈土益反復扶又反

注兵事之起兵革之亂乎  
 正善亦作兵事



治軍實也。掌主兵事。唯司馬耳。其出師也。則六卿皆為軍將。此戒將帥。總戒將兵之人。不必獨戒司馬也。軍實者。即車馬弓矢戎兵是也。弓矢即戎兵。而又言戎兵容戈盾矛戟之類。軍之所用。皆是。隱五年左傳曰。歸而飲。至以數軍實。楚語曰。射不過講。軍實焉。皆謂兵器也。言汝當用備兵事之起。謂備之於國。隨其謂治夷鎮蕃三服。大行人既列其服。朝見之數。乃云九州之外。世一見。是蠻貊爾。人民謹爾。侯度用戒不虞。質成也不虞。非度也。云侯君也。此時萬民失職。亦不肯趨公事。故又戒鄉邑之大夫及邦國之君。平女萬民之事。慎女為君之法度。用備不億度。而至之事。非度待洛反。慎爾出語。敬爾威儀。無不柔嘉。下不億度。同。

**傳** 話善言也。云言謂教令也。柔安嘉善也。快反。話戶。  
**白圭之玷。尚可磨也。斯言之玷。不可為也。** 傳 玷。缺也。云斯此也。玉之缺。尚可磨。鑿而平。人君政教一失。誰能反覆之。音慮。復音服。又豐服反。本亦作覆。疏。質爾至可為。正義曰。此又戒鄉邑大夫及邦國之君。言汝等當平治汝民人之政事。勅汝為君之法度。用此以戒備將來不億度之事。謂非常驚急。當預防之。既戒臣事畢。又復諫王。當謹慎。爾王所出之教令。又當恭敬。爾在朝之威儀。使教令威儀。無不安審。美善言使之皆安善也。又言教令尤須謹慎。白玉為圭。圭有損缺。猶尚可更磨。鑿而平。若此政教言語之有缺失。則遂往而不可改為。王者安危在於出令。故特宜慎之。質成至非度。正義曰。釋詁。文質平成也。則質者平治成就之義。故傳以為成。箋以為平。其

意同也。釋言云：虞度也。不度者，非意所億度之事也。  
○侯君至之事。正義曰：侯君釋詁文。詩之所戒，隨失而言，故知此時萬民失職，故令質爾民人，不肯趨公事，故令謹爾侯度也。鄉邑之大夫，謂六卿與公邑，亦可以兼六遂與采地也。以所戒者廣，故知亦及邦國之君也。平爾萬民之事，即教令事也。慎爾為君之法度，即威儀是也。治民即是為君，故文兼鄉邑大夫，亦稱君焉。不億度而至之事，謂非常寇盜，君子安不忘危，故常豫戒。  
○言謂至嘉善。正義曰：以此言人君為政之事，故知是教令之言。此文雖承戒鄉邑邦國之下，而與下章無易由言相接，以下皆是言王事，則此慎話敬威儀，是使王身敬慎，非戒臣之辭。柔安嘉善，皆釋詁文。  
○王之至覆之。正義曰：政教一失，誰能反覆，謂已往者不可更反，論語所謂駟不及舌是也。其言改過者，謂改將來過耳。此經申上慎爾出語之事，上文亦言威儀，不重述者，以言失為重，故特殷勤之。孝經重述法言，亦此類也。  
**無易由言。無曰苟矣。莫捫朕**

已一作改

**舌言不可逝矣。**

**傳**

莫無捫持也。

**傳**

云由於逝往也。女

無輕易於教令，無曰苟且如是。今人無持我舌者，而自輕恣也。教令一往，行於下，其過誤可得而已之乎。

○易以鼓反。注同捫音門。

**無言不讎。無德不報。惠于朋友。庶民小**

**子。**

**傳**

讎用也。

**傳**

云惠順也。教令之出如賣物，物善則

其售賈貴，物惡則其售賈賤，德加於民，民則以義報之。王又當施順道於諸侯，下及庶民之子弟。

○讎市。云鄭市又反。售市又反。一本作讎。此音則與毛同。賈加霸反。下同。

**子孫繩繩。萬民靡**

**不承。**

**傳**

云繩繩戒也。王之子孫敬戒行王之教令，天

謂讎物價也

下之民不承順之乎言承順也。靡一無易至不  
為出言為重又復戒之言王無得輕易於此言語之  
教令無得言曰我出言苟且如是矣假有不善人無  
執持我舌而不聽我言者實無人能執王之舌要王  
苟且出言不可使之往行于天下往則不可復改故  
特須慎之必須慎者王之所出無有一言而不為人  
用善惡人皆承而用之無有恩德而下不報答之言  
王有善德人必報王故王當施行順道於朋友謂諸  
侯及卿大夫等下及庶民之子弟小子王皆須以順  
道教之王若教以順道則民皆行之若王之子孫能  
繩繩然敬戒而行王之教令則天下之眾民無有不  
承順而奉行之言皆承順而奉行之勸王使慎教令  
為下民之法施順道為子孫之基也。鄭惟以讎字  
為異餘同。摶持。正義曰字書以摶為摸摸索  
其舌是手持之也。摶由於至已之乎。正義曰由  
於逝往皆釋詁文唯彼由作繇音義同釋詁云朕我  
也自周以前朕為通言故臯陶曰朕言惠屈原曰朕

皇考是也秦始皇既平六國制天子之法號為皇帝  
自稱曰朕後代遂遵用之宣十二年公羊傳何休注  
云天子自稱曰朕以漢法言之也言不可往明為往  
不可故云教令一往行於天下其過誤不可得而改  
也定本無天宇又言過誤可得而已之乎定本是也  
讎。正義曰相對謂之讎。讎者相與用言語  
故以讎為用。讎教令至于弟。正義曰箋以用非  
讎之正訓且與報德連文故以為讎報物價釋詁云  
讎匹也是匹敵相報故應對物價為之讎其意言于  
出教令民則從其善惡以答王也武王謂諸侯云我  
友邦冢君是朋友謂諸侯亦可以兼羣臣公卿也小  
子幼稚之稱故為庶民子弟庶民猶令及之則以上  
無不及矣。繩繩。正義曰釋詁文。視爾友君子輯柔爾顏不遐有  
愆輯和也。云柔安遐遠也今視女諸侯及卿大  
夫皆脇肩諂笑以和安女顏色是於正道不遠有罪

手一作矣

過乎言其近也。輯徐音集又七入反胎本又作脇香及反又虛劫反沈又於闔反諂勅

室尚不愧于屋漏無曰不顯莫予云觀。西北隅謂

之屋漏觀見也。云相助顯明也諸侯卿大夫助祭

在女宗廟之室尚無肅敬之心不慙愧於屋漏有神

見人之為也女無謂是幽昧不明無見我者神見女

矣屋小帳也漏隱也禮祭於奧既畢改設饌於西北

隅而扉隱之處此祭之末也。相息亮反注同媿俱

孟反漏魯豆反觀古豆反與烏報反西南隅謂之神

之格思不可度思矧可射思。格至也云矧况射

厭也神之來至去止不可度况可於祭末而有厭

倦乎。度待洛反注度知視爾至射思正義曰

于朋友不忠我今視汝王之所友諸侯及卿大夫之

君子皆不忠正但有肩諂笑以和安爾王之顏色以

言其近有罪過矣此臣非但諂佞於王又惰慢於事

其助祭於汝王宗廟之室尚無肅敬之心不慙媿於

屋漏祭當盡敬尚無媿心其於諸事怠惰明矣即因

責此不媿之人女無得言曰此屋漏幽闇不明之處

明必見汝矣何則神之初來至思不可度而知思况

於祭之所末可得厭倦之思言若能知其去來則可

神去乃倦既不見來亦不知其去何得祭末疑去即

厭之也。今視至其近正義曰此皆以王為文

故爾友為王之友，爾顏為王之顏也。脅肩諂笑，病于夏畦。趙岐云：脅肩，竦也。體也。諂笑，強笑也。病極也。言其意若勞極，甚於仲夏之月。治畦灌園之勤，是其事也。此正是罪過而言其近者為文之勢耳。  
**傳** 西北隅謂之屋漏。正義曰：釋宮文，觀見釋詁文。**箋** 相助至之末。正義曰：釋詁云：相助慮也。俱訓為慮，是為助也。又云：顯光也。是顯得為明也。上言友君子有過，下句責其厭倦，則非王之心，故知是諸侯及卿大夫助祭之時，無肅敬之心也。責令勿道神不我見，故知其意言神見汝矣。天官幕人職掌帷幕帷帟。注云：幕以布，帷帟以緇為之。雜記云：諸侯行而死于道，緇布裳帷素錦以為帷，而大帳則帷為小帳也。漏隱釋言文禮之有帷幕皆於野張之，以代宮室。其宮內不張幕也。帷則室內亦有之。屋漏者，室內處所之名，可以施小帳而漏隱之處。正謂西北隅也。言不媿屋漏，則屋漏之處有神居之矣。故言祭時於屋漏有事之節。禮祭於奧中，既畢尸

去乃改設饌食西北隅，屏隱之處。此祭未之時事也。特牲禮尸設之後，云佐食徹尸薦豆，敦設于西北隅。凡在南廂用筵，納一尊，佐食闔戶降。注云：屏隱也。不知神之所往，或者遠人乎？尸設而改饌為幽闇，庶其饗之，是其事也。若然，當闔戶牖，則室中無人而云在室，不愧屋漏者，此羣臣雖情非祭初，即俸當有事。非謂助祭之人在屋漏之處，言其室者，正謂在宗廟中耳。爾雅：孫炎解屋漏云：當室之白，日光所漏入，非鄭義也。按禮記：曾子問云：殤不備祭，何謂陰厭陽厭？鄭注云：祭成人始設奠於奧，是謂陰厭。尸既設之後，改饌於西北隅，是謂陽厭。若宗子為殤，唯有陰厭。若庶子適殤，宗子適殤，唯有陽厭。按特牲士禮有陰厭，陽厭又此詩不媿於屋漏，則天子亦有陽厭。以上下言之，諸侯亦同。唯上大夫無陽厭，故儀禮少牢祭末尸故也。  
**傳** 格至。正義曰：釋詁文。凡言况者，皆乎。正義曰：矧况釋言文射厭釋詁文。凡言况者，皆

以輕况重此經直言至於尸設謂神實去矣於此之時乃有惰慢故詩人之意言神來不知其來則尸去神未必去屋漏之處仍有祭事則神猶在矣祭初神實未來尚不敢慢况今祭未神或未去而可有厭倦乎以此故言矧可射思箋申其意故來至去止並言之不然經止有來不須言去也

**辟爾為德**  
**俾臧俾嘉**  
**淑慎爾止**  
**不愆于儀**  
**不僭不賊**  
**鮮不為則**

**傳** 女為善則民為善矣止至也為人君止於仁為人臣止於敬為人子止於孝為人父止於慈與國人交止於信僭差也

**云** 辟法也止容止也當審法度女之施德使之為民臣所善所美又當善慎女之容止不可過差於威儀女所行不僭不賊賊者少矣其不

為人所法

**之以李**  
**投我以桃**  
**報之以李**

**傳** 童羊之也投猶擲也

**彼童而覺**  
**實虹小子**

**傳** 童羊之也

無角者也而角自用也虹潰也

而角者喻與政事有所害也此人實潰亂小子之政禮天子未除喪稱小子

**傳** 虹戶工反鄭戶江反潰戶對反

**傳** 辟爾至小子

毛以為王當法度汝之所為施行之德則使民善之使臣美之又當善慎汝心之所至使常止仁信不過於汝之感儀令不差貳不殘賊王能如此少矣而不為人所法則言多為人所法則人有投擲我以桃者我必報之以李善往則善來無物不報王若以善道施民民必以善事報王也王之所以不善者彼童羊



此事

實無角而為有角自用妄為無觸人以喻王后本實無德而為有德自用橫于政事此人實潰亂我王小子之政使為不善王何以不遠之乎。鄭唯止為容止為異餘同。女為至階差。正義曰傳解辟爾為德所以能俾臧俾嘉之意由君為善則民善之辟爾為德是汝為善也。俾臧俾嘉是則民善也。止者所居之名故為至。至是所至之處也。為人君止於仁至止於信皆大學文也。彼既為此言乃引此詩以證之。故傳依用焉。其說君子唯當言止於仁耳。因彼成文而盡引之。證毀人者是差貳之事。故云階差。箋言不信義亦同也。止容止。正義曰以經言淑慎爾止不愆于儀即是慎其容止得威儀不過耳。故易傳以止為容止。此言至其報。正義曰以經之文是為善來則善往而箋反之者逐便而言耳。童猶畜之無角其文即云而角明此物之類有有角者有無角者畜之如此者唯羊耳。言童而角是無角而為有角自用也。虹潰擇言文。童羊至小子。正

在

義曰上文說政事此言而角以潰小子小子是王之稱此人特能潰之則是專恣之人能亂朝政者也。人臣則不堪如此。此唯王后乃能然。故知童羊譬王后也。言而角則是用角矣。用角觸則於物有所害。故以喻於政事有所害。此人實亂小子之政也。定本集注於政事有所害於字皆作喻與。其理是也。禮天子未除喪稱小子。下曲禮文引之以證稱王為小子之意。在喪之稱小子以其未理政事為無知之辭。下言亦事既耄則厲王非復在喪。但欲見王之無知。故假有喪之稱以名之。民勞云。戎雖小子者。言王意以小子自遇。非臣之稱。君故箋不引禮記。荏染柔木。言緝之絲。溫溫恭人。維

元彭按止此誤

德之基。緝被也。溫溫寬柔也。云柔忍之木荏染然人則被之。弦以為弓。寬柔之人溫溫然則能為德之基。止言內有其性乃可以有為德也。荏而甚反。染而漸反。荏

意

面詰

染柔意。緝亡巾反。恭音共。木亦作共。其維哲人。告之。  
 被皮寄反。下同。忍音刃。本亦作刃。其維哲人。告之。  
 話言順德之行。其維愚人。覆謂我僭。民各有心。  
 言。古之善言也。云。覆猶反也。僭。不信也。語賢智之  
 人以善言。則順行之。告愚人。反謂我不信。民各有心。  
 二者竟不同。語戶快反。說文作誥。云。誥。故言。  
 至有心。正義曰。上既教王行德。此言王不可教有  
 在。然柔忍之木。是維可以為弓之幹。我乃緝被之  
 以。則有弦而成弓。可以為弓明矣。亦猶溫溫然寬  
 柔之人。是維可以為德之基。我乃教訓之。以學。則有  
 能而成德。可以為法矣。但人性不同。有可教以否。若  
 其維賢哲之人。告之以善言。則順其道德之行。而行  
 之。若其維愚蔽之人。告之以善言。則反謂我言不信。  
 而拒之。是為民之賢愚。各自有其本心。言王無本心。

語

不可教也。緝被至寬柔。正義曰。釋言云。緝。綸  
 也。綸。則繩之別名。言緝之絲。正謂以絲為繩。被之於  
 木。故云緝被。不訓緝為被。釋訓云。溫溫柔也。故為寬  
 柔。猶恭人。則言緝之絲。與維德之基。互相足。維德之基。  
 猶維弓之幹。言緝之絲。猶言訓之。以學二者資於本  
 性。故云內有其性。乃可以為德。於乎小子。未知臧否。匪手攜之。言示  
 之事。匪面命之。言提其耳。云。臧。善也。於乎。傷王不  
 知善否。我非但以手攜掣之。親示以其事之是非。我  
 非但對面與之。親提撕其耳。此言以教道之熟。不可  
 啓覺。於乎。上音烏。下音呼。凡此二字相連。皆放此  
 臧否音鄙。注同。臧。善也。否。惡也。提音啼。掣。尺世  
 反。拽也。借曰未知。亦既抱子。借假也。云。假。令人  
 借音西。借曰未知。亦既抱子。借假也。云。假。令人

云王尚幼少未有所知亦已抱子長大矣不幼小也  
○借子夜反注及下同知如字沈音智下  
風知亦同令力呈反少時照反長丁丈反  
**民之靡盈**  
**誰風知而莫成**  
**莫晚也**  
云萬民之意皆持不滿

於王誰早有所知而反晚成與正言之無成本無知  
故也○莫音暮本亦  
作慕與音餘  
於乎至莫成○正義曰此又  
厲王其心未能識知於善否我非但以手攜掣之我  
乃親示以其事之是非庶其觀之而悟也我又非但  
對面命語之我又親提撕其耳庶其志而不忘言已  
教導之熟而不可啓悟假令有人言曰王尚幼少未  
有所知亦既抱子矣已爲人父非復又少也今萬民  
之意皆持無滿於王謂才智褊小不能滿足其意望  
王更益才智晚有所成故解其意誰復早有所知而  
晚成者也明早知則早成晚知則晚成今王晚亦無

知是終無所成也○**萬民至知故**○正義曰王爲  
天下之主德度當滿民心今王無所知則民意不滿  
故言萬民之意皆持不滿於王嫌王才度之淺近也  
上言借曰未知冀其長大有識此言人意不滿亦望  
在後更益是冀王有晚成之意即  
又解之誰早有所知而晚有成乎  
**昊天孔昭我生靡**  
**樂視爾夢夢我心慘慘**  
**夢夢亂也慘慘憂不樂也**

云孔甚昭明也昊天乎乃甚明察我生無可樂也

視王之意夢夢然我心之憂悶慘慘然愬其自恣不

用忠臣○樂音洛注同夢莫空反沈莫登  
反注同慘七感反愬音素後皆同  
○正義曰夢夢亂也釋訓文孫炎曰夢夢昏昏之亂

也然則夢夢者言王政昏亂之意也釋訓又云慘慘  
慄也李巡曰慘慘憂怒之慄然則慘慘者憂慄憔悴  
之貌故爲憂不樂也○孔甚至忠臣○正義曰孔



棘。正義曰：自上以來，諫王之情已極於此。自言諫意以結之，於乎可歎傷者，小子無知之我王，告汝以久故，往昔之道，止言已所陳，皆先世舊章也。汝若聽用我之計謀，幸望無大罪責而恨者，王何故不用之乎？天以王為惡之故，方下艱難之事於王，謂使之有災異，生兵寇，其意言曰：當欲喪滅其國，我憂王將滅，故為王謀而取譬，不為深遠而難知，唯淺近耳。王之為政，當如昊天，天之德，寒暑有常，不為差忒，王何以不效？昊天有常，反為無常，而邪僻其德，貪暴稅斂，而使下民資財皆盡，甚大困急，我以為是故而諫王也。天以至滅亡。正義曰：以言曰：喪厥國，是稱天之意，故知艱難為下災異，生兵寇也。此曰為辭，故韓詩作聿。

抑十二章三章章八句九章章十句

毛詩註疏卷第十八 十八之一

毛詩註疏卷第十八 十八之二

漢鄭氏箋

唐孔穎達疏

毛詩大雅

桑柔芮伯刺厲王也。云芮伯，畿內諸侯，王卿士也。

字良夫。反國名。桑柔，十六章上八章章八句。

良夫。正義曰：書序云：巢伯來朝，芮伯作旅，巢命武王時也。顧命同召六卿，芮伯在焉，成王時也。桓

九年，王使虢仲、芮伯伐曲沃，桓王時也。此又厲王之

時，世在王朝，常為卿士，故知是畿內諸侯為王卿士也。書敘注云：芮伯，周同姓國，在畿內，則芮伯姬姓也。杜預云：芮國在馮翊臨晉縣，則在西都之



彼

之憂民所以不絕者以民之喪亡之道滋益久長耳  
言上行虐政不已是民之亡道益長所以心憂不復  
絕又告王而愬之倬然而尊大譬喻昊天之王者汝  
居民上為民之父母寧不於我而矜哀之何為忍之  
而行此喪亡之政乎。鄭唯倬彼昊天為愬之上天  
為異餘同。傳旬言至瘼病。正義曰釋言云旬均  
也某氏引此詩李巡曰洵徧之均也則旬是均之義  
故云言陰均也。釋詁云毗劉爆燂也舍人曰毗劉爆  
燂之意也木枝葉稀疏不均為爆燂郭璞曰謂樹木  
葉缺落蔭疎爆燂也劉者葉之稀疏爆燂之意故云  
爆燂而稀也瘼病釋詁文。桑之至之德。正義  
曰箋以苑彼捋采為異時之事故以柔濡謂蠶始生  
時爆燂謂過蠶之後均得其所謂俱蒙蔭覆病於爆  
燂謂苦於炎熱也捋采是其人采之非蔭先薄故以  
喻羣臣恣損王非王本惡也然厲王之惡實出本心  
非必臣能損之初時亦無所善作者以君臣一體助  
君為惡故歸咎於臣以刺君耳。傳倉喪至填久。○  
正義曰倉之為喪其義未闡况訓賜也賜人之物則

行

蓋滋多故况為滋也釋言云烝塵也孫炎曰烝物久  
之塵則塵為久義古者塵填字同故填得為久。○  
珍絕至久長。正義曰珍絕釋詁文民心之憂憂此  
喪亡之道有時而遇則民憂可與絕已之期今滋益  
久長故憂不絕已此喪亡之道正謂君之虐政虐政  
方行不止是喪亡之道滋益久長也。○昊天斥王  
者。正義曰傳以蕩蕩上帝皆斥君王故以此亦斥  
王者。傳倬明至之言。正義曰箋以倬為明大之  
貌此厲王暗亂不得稱倬然彼昊天故易。四牡騤騤  
傳以天為上天此是下民怨訴上天之言。四牡騤騤  
旗旒有翩亂生不夷靡國不泯。騤騤不息也鳥隼  
日旗龜蛇曰旒翩翩在路不息也夷平泯滅也。云  
軍旅久出征伐而亂日生不平無國而不見殘滅也  
言王之用兵不得其所適長寇虐。○騤求龜反旗音  
與旒音兆翩音篇

本亦符偏。泯面忍反。又名賓反。徐又音。民靡有黎。具禍以燼。黎齊也。云黎不齊也。具猶俱也。災餘曰

燼。言時民無有不齊被兵寇之害者。俱遇此禍。以為

燼者。言害所及廣。黎力奚反。燼才刃反。本亦作盡同。於乎有哀。國步

斯頻。步行頻急也。云頻猶此也。哀哉。國家之政

行此禍害。比比然。比毗志反。又如字。頻。四牡至斯

為上文以喪亂憂心。此言可憂之事。厲王無道。妄行

征伐。乘四牡之馬。駢然建旗。旒之旂有翩翩然。在

於道路。常不息止。王本用兵。欲以除亂。但伐不得罪

而亂日生。不復能平之。王既不能平之。諸侯自相攻

伐。無有一國而不見殘滅。民悉被兵。今民或死或生

無有能齊一平安者。假有存者。俱是遭禍災。以為餘

滅燼耳。言其時民衆死多於生。以此故歎而傷之。於

乎有是。可哀痛哉。國家行此困急於民之道。是可哀

痛也。鄭唯以黎為不齊。言其時之民無有不齊被

兵寇者。又以頻為比。言國家行此禍害。比比然。言其

行之不已也。餘同。駢。駢至泯滅。正義曰。駢。駢

旒。春官司常文。駢是旌旒行而舒張之貌。故重言駢

駢也。旌旒止則納之。殺中言其行而駢。駢是旌旒不

息。以旌馬事。其故再言不息。曲禮云。在醜夷不爭。夷

是齊等之言。故為平也。釋詁云。泯滅盡也。俱訓為盡

故泯得為滅。軍旅至寇虐。正義曰。四牡旌旅

是軍行之物。亂生國滅。是加兵之辭。故知此言軍旅

久出征伐也。王既不能平亂。則徧殘諸國。諸侯彊弱

相陵。小者滅亡。大者殘破。無國而不見殘滅也。言王

之用兵。不得其所。適所以益長寇虐也。黎齊。黎不

正義曰。黎衆也。衆民皆然。是齊一之義。黎不至



災害民之餘故云災餘曰燼言其時之民得存性命者皆死之餘天下之民齊皆如此言其害之所及者廣也。○**傳**步行頻急。正義曰步者人舉足故為行也。事有頻頻而為者皆急速故為急也。○**傳**頻猶至此比然。○正義曰頻頻正是次比之義故云猶比。上言喪亡之道滋益久長此斯頻副成上文故為行此禍害。○**傳**云步蔑資天不我將靡所止疑云徂何往。○**傳**疑定也。○**傳**云蔑猶輕也將猶養也徂行也國家為政行此輕蔑民之資用是天不養我也我從兵役無有止息時今復云行當何之往也。○**傳**復扶又反不復考慎同。○**傳**疑定。○正義曰疑音疑。○**傳**疑者安靜之義故為定也。○**傳**君子實維秉心無競誰生厲階至今為梗。○**傳**競疆厲惡梗病也。○**傳**云君子

謂諸侯及卿大夫也其執心不彊於善而好以力爭誰始生此禍者乃至今日相梗不止。○**傳**梗古杏反好之爭。○**傳**梗病。○正義曰言其誰生厲階明是病於下同。○**傳**地惡故以梗為病。箋云相梗不止亦謂為病不已。○**傳**憂心慙慙念我土宇我生不辰逢天俾怒自西徂東靡所定處。○**傳**宇居俾厚也。○**傳**云辰時也此士卒從軍久勞苦自傷之言。○**傳**慙於中反熒光於謹反爾。○**傳**尊忽反。○**傳**多我覯瘡孔棘我圉。○**傳**圉垂也。○**傳**云瘡病也。○**傳**圉當作禦多矣我之遇困病甚急矣我之禦寇之事。○**傳**瘡武巾反一音。○**傳**憂心至我圉。○**傳**毛以為上言不昏注同。○**傳**魚呂反。○**傳**知所往此言在役而憂我既不

得還歸故皆懷憂其心殷殷然顧念我之鄉土居宅也既不得歸故自傷我之生也不得時節正逢天之厚怒使我從西而往於東無所安定而居處是逢天怒時故遭此勞役也又自歎傷多矣我之所遇之病言遇貧困之病多也甚急矣我之在於邊垂言已守邊之勞甚也。鄭唯困為禦寇為異餘同。○**宇**居憚厚。正義曰屋宇所以居人故宇為居憚厚音相近義亦同釋詁云重厚也某氏曰詩云憚爾重厚是憚重同也。○**此**土至之言。正義曰既是士卒自傷則念土守者自念已之鄉土居宅也王肅云乃念天下居士之不安其意以為詩人廣念天下傳既無說箋意不然。○**圍**圍垂。正義曰釋詁文舍人曰圍拒邊垂也孫炎曰圍國之四垂也此是行役所傷自傷在邊垂也。○**瘠**瘠病至之事。正義曰瘠字從病而以昏為聲是昏忽之病箋讀圍為禦者若守邊垂不得為無所定處且云我垂於文不足故以為禦寇之**為謀為甚亂况斯削**。○**忠慎也**。云女為軍旅之事。

謀為重慎兵事也而亂滋甚於此日見侵削言其所

任非賢。○慈音秘**告爾憂恤**。○**誨爾序爵**。○**誰能執熱**。○**逝**

**不以濯**。濯所以救熱也禮亦所以救亂也。云恤

亦憂也逝猶去也我語女以憂天下之憂教女以次

序賢能之爵其為之當如手持熱物之用濯謂治國

之道常用賢者。○濯直角反**其何能淑**。○**載胥及溺**。

云淑善胥相及與也女若云此於政事何能善乎則

女君臣皆相與陷溺於禍難。○難乃旦反**為謀至**

正義曰此以王無賢輔欲教之用賢言觀汝王為軍旅之謀為重慎兵事雖心欲重慎而謀慮不長更使

亂亡滋甚於此日見侵削皆由所任非賢行之失理  
故也故今告汝以憂天下之憂誨汝次序賢能之爵  
但能用賢人則無憂可矣所以然者誰能執火熱之  
物而去之不以水濯手者乎言以水濯手則可以止  
熱以與誰能處危亂之國而治之不用賢人行禮者  
乎以禮任賢則可以止亂汝若謂我此言其於政事  
何能善乎則汝君臣皆相與陷溺於禍難矣以其拒  
諫無謀故當至於滅亡○**○**忠慎○正義曰釋詁文  
○汝為至非賢○正義曰以承上軍旅之事故知  
謀為軍旅之謀慎為重慎兵事也厲王謀則失機師  
出多敗為人所陵故為亂滋甚日見侵削言其所任  
非賢也○**○**濯所至救亂○正義曰襄三十一年左  
傳引此詩乃云禮之於政如熱之有濯也濯以救熱  
何患之有是以濯救熱喻以禮救亂也必賢人乃能  
行禮故箋云治國之道當用賢以申足傳意也○**○**  
女若至禍難○正義曰王肅以為如今之政其何能  
善但君臣相與陷溺而已如此理亦可通箋不然者  
以此文承上告教之言宜為不受之勢故以為假設

拒已之辭示之不可之狀以相者非一人之言故以為君臣俱陷於禍難如彼遡風亦恐

之優民有肅心莽云不逮好是稼穡力民代食

鄉優啞莽使也力民代食代無功者食天祿也

肅進逮及也今王之為政見之使人啞然如鄉疾風

不能息也王為政民有進於善道之心當任用之反

卻退之使不及門但好任用是居家吝嗇於聚斂作

力之人令代賢者處位食祿夫明王之法能治人者

食於人不能治人者食人禮記曰與其有斂聚之臣

寧有盜臣聚斂之臣害民盜臣害財

○遡音素優音愛莽字又作遡

經文一作亦孔之優

音普耕反徐補耕反本或作拊同逮音代一音大計  
 反好呼報反注但好同稼王申毛音駕謂耕稼也鄭  
 作家謂居家也下句稼穡惟寶同穡本亦作畜音色  
 王申毛謂收穡也鄭云吝穡也尋鄭家畜字本皆  
 無禾者下稼穡卒痒始從禾鄉本又作嚮同許亮反  
 下同吧鳥合反令力呈反食不能治人者食於人音  
 嗣稼穡維寶代食維好云此言王不尚賢但貴吝  
 畜之人與愛代食者而已如彼至維好毛以為  
 傷而成之言王之為政使人見之如彼嚮於疾風之  
 時亦甚可為之吧然使人傷氣而不能息言王政之  
 虐逆於人心之甚也由此王不任賢故又陳而戒之  
 民有進於善道之心王當任用反卻退之使去不得  
 及門而維任小人甚可傷也又教王用人之法當愛  
 好是知稼穡艱難之人有功於民者使之代無功者  
 食天祿如此則王政善矣民心樂之所以然者此知  
 稼穡之事者維為國之寶也使能者代不能者食祿

維使政之好也王何不擇任之乎。鄭唯下四句為  
 異王既退賢者使不及門但好任是居家吝畜及聚  
 歛作力之人令代賢者處位食祿又言王愛小人之  
 甚王見此居家吝畜之人維以為寶使此作力之人  
 代賢者食祿維以為好以此故使政亂而民憂。傳  
 俊吧至天祿。正義曰俊吧釋言文孫炎曰心吧也  
 郭璞曰嗚吧短氣也莽使釋詁文夏官司勳云治坊  
 曰力則力民謂善人有力功加於民者也故知力民  
 代食謂使代無功者食天祿也祿是君之所授而謂  
 之天者以上天不自治人立官以治之居官乃得食  
 祿是祿亦天之所與故謂之天祿矣力民代食傳既  
 如此則好是稼穡亦異於鄭當謂好是知稼穡艱難  
 之人也論語曰禹稷躬稼而有天下無逸云先儒稼  
 穡之艱難乃逸其君上之美事故勸王好之也王肅  
 云當好知稼穡之艱難有功力於民代無功者食天  
 祿是也。肅進至善財。正義曰肅進逮及皆釋  
 詁文吧者風吧人氣故云使人不能息息謂喘息論  
 語云屏氣似不息者是也民有肅心是民之善者責

王不能用善故知葬云不逮者是使之不能及門也  
 以仕進者得入君門故謂不居位者為不得及門論  
 語云從我於陳蔡皆不及門者是其事也鄭以文勢  
 葬云不逮是退賢則好是稼穡為進惡故以稼穡為  
 居家吝嗇變不言稼當為家則所授之本先作家字  
 也孔子曰如有周公之才之美使驕且吝其餘不足  
 觀也已居家吝嗇為人之惡行不宜好之也聚斂作  
 力之人而用心作力也直言力民不言作力之事而  
 知於聚斂之事作力者論語曰季氏富於周公而求  
 也為之聚斂而附益之非吾徒也小子鳴鼓而攻之  
 可也是孔子大疾聚斂之臣也禮記云與其有聚斂  
 之臣寧有盜臣是聚斂之臣臣之惡行者也以厲王  
 貪而重賦斂故知所愛力民其為已作力於民為君  
 作力於人唯聚斂耳故知力民代食是使聚斂作力  
 之人代賢者食祿也夫明王之法能治人者食於人  
 謂居官受祿取食於人也此文孟子有其事言此者解惡人  
 賦斂養食賢人也此文孟子有其事言此者解惡人  
 不宜代賢人食祿之意也所引禮記者大學文也盜

者避忌主人有時而竊聚斂則恃公作威徵責不已  
 故與其有聚斂之臣寧有盜臣何者聚斂之臣則害  
 民盜臣則止害財財輕於民斂甚於盜然則聚斂之  
 臣王政之大害而樂記云君子聽笙箏簫管之聲則  
 思畜聚之臣復思得之者彼謂在官主掌畜積受納  
 輸稅若載師倉人之類非冉求之輩橫斂下民且樂  
 記云畜聚不言聚斂與此異也此言至而已  
 正義曰重舉此文明是責王之貴好之也傳於上文  
 既異於鄭則此亦不同矣王肅云能知稼穡之事唯  
 國寶也使能者代不能者食祿則政唯好傳意當然

**天降喪亂滅我立王降此蠹賊稼穡卒瘁**  
 云滅盡

也蟲食苗根曰蠹食節曰賊耕種曰稼收斂曰穡卒  
 盡瘁病也天下喪亂國家之災以窮盡我王所恃而  
 立者謂蟲孽為害五穀盡病

○蠹莫侯反說文作蠹  
 拜音羊孽魚列反說文

作蠶云衣服詩誦草木之怪謂之妖禽獸蟲蝗之性謂之蠶。哀恫中國具贅卒荒。靡有旅力以念穹蒼。贅屬荒虛也穹蒼蒼天。

恫痛也哀痛乎中國之人皆見繫屬於兵役家家空虛朝廷曾無有同力諫諍念天所為下此災。作同贅之芮反又拙稅反穹起弓反朝直。通本又。遙反下皆同與音餘下所行者惡與同。穹蒼。正義曰言天以王貪酷之政故下此死喪亂國之災以滅盡我所恃立以為王者之物謂災害五穀也又說災害之事降此蠱賊殘食苗稼之蟲食民所斂種之稼穡莫不盡被病害是滅我立王也既天災如此以致兵亂可哀痛哉今中國之人俱見繫屬於兵役家家盡皆空虛是深可哀矣何謂汝之朝廷羣臣無有欲衆力一心共諫諍王以念止此穹蒼上天所下之災者乎。滅盡至盡病。正義曰滅盡釋詁文。

蟲食根曰蠹食節曰賊釋詁文卒盡瘁病亦釋詁文以此經文勢相接於滅我立王之下即言蟲災病穀則知滅我立王者是滅穀也故箋辨之窮盡我王所恃而立者正謂蟲災為害五穀盡病以言盡故知總五穀也。贅屬至蒼天。正義曰贅猶綴也謂繫綴而屬之長發云為下國綴旒襄十六年公羊傳曰君若綴旒然是贅綴同也孟子曰太王屬其耆老書傳云贅其耆老是贅為屬漢書謂男子在婦家為贅婿亦此義也穹蒼蒼天釋天文李巡曰古時人質仰視天形穹隆而高色蒼蒼然故曰穹蒼是也。恫痛至此災。正義曰恫痛釋言文以贅是繫屬故民所繫屬唯兵耳故知繫於兵役家家盡空虛矣言悉從行也旅訓衆也故知靡有旅力責朝廷曾無衆同力諫諍念天所為下此災也衆力則非一人所能故總之而云靡有者責其無有發此心者。維此惠君民人所瞻秉心宣猶。考慎其相。相質也。云惠順宣徧猶謀慎戒相助。

毛詩疏

卷之二十一

穀

自

也。維至德順民之君，為百姓所瞻仰者，乃執正心舉事，徧謀於眾，又考誠其輔相之行，然後用之。言擇賢之審。孟反。相毛如字。鄭息亮反。徧音遍。下同。行下。維彼不順，自獨俾臧，自有肺腸，俾民卒狂。云：臧善也。彼不施順道之君，自多足，獨謂賢言其所任之臣皆善人也，不復考慎，自有肺腸，行其心中之所欲，乃使民盡迷惑如狂，是又不宜猶。肺本又作。辨芳廢反。維此至卒。君為百姓民人之所瞻仰者，乃執正其心，徧謀於眾，又稽考誠信，用其賢明之有美質者，以為臣。維彼不施順道於民之君，自獨用已心，謂已所任使之臣皆

正

知

為善人，不復詳考善惡，更求賢人，自以已有肺腸，行心所欲，不謀於眾，人任用惡人，乃使下民化之，盡皆迷惑如狂，人是不謀於眾，無可瞻仰也。鄭唯考誠其輔相之行，為異餘同。相質。正義曰：傳讀相如金玉其相，故以為質。謂大賢之人有美質者，其考慎之義亦當與筭同。惠順至之審。正義曰：惠順宣徧釋言文，慎誠釋詁文，以相為相導之相，故為助也。秉訓為執，猶訓為謀。君之用臣，必謀之朝廷，故云執。心舉事必謀於眾，假使眾雖同舉，或言非誠信，又當考察誠信其輔相之行，知其實善，然後用之。言其擇賢之審，謂順民之君能如此也。臧善至宣猶。正義曰：臧善釋詁文，此經之順猶上惠也。上言惠君，如此不順者，不施順道之君也。獨者，自以已身獨有才智，謂眾人之所不及，故云自多足。獨謂賢言此，人自多其事，以已為足，無所假人，獨自謂已賢。若皇父孔聖是也。身實不賢，專已自任，則迷於是非，不知善惡，所使實非善人，信其諂諛之語，即言所任使之，人皆為善人，不如惠君考慎也。肺腸，五臟之物。

言之以表其心故云自有肺腸行其心之所欲但所欲不得於道以之行化使之迷惑如狂是又不如惠君宜猶之也言又者對不考慎為文也上先宣猶而後考慎此反上文而倒者以此二者經文大小不類上云民人所瞻此當有民人不瞻之意此云俾民卒狂上應有使民得理之意文既不同故互相先後臣實不善而謂之為善是不考慎自行所欲不謀於眾是不宜猶故箋隨文所反而引以警之故與上文倒也

**瞻彼中林** 雉雉其鹿朋友已譖不胥以穀 **傳** 雉雉

衆多也 **箋** 云譖不信也胥相也以猶與也穀善也視

彼林中其鹿相輩耦行雉雉然衆多今朝廷羣臣皆相欺背不相與以善道言其鹿之不如 **○** 雉所中反聲類云聚貌

譖子念反本亦作僭相輩一 **人亦有言進退維谷** **傳** 本作相配背音佩卒章同

**谷窮也** **傳** 云前無明君卻迫罪役故窮也 **○** 罪役一

罷音 **傳** 瞻彼至維谷正義曰此責臣不相信令百

皮 **傳** 姓因窮言視彼中林之處乃見雉雉然衆多

者是其羣鹿鹿乃走獸猶以其類相善輩偶而行以

喻朝廷羣臣亦當以善相與共處官位何為今汝羣

臣朋友皆以此僭差情不相信不肯相告以善道者

是乃鹿之不如也既政惡如此上下有害古之賢人

亦有言曰無道之世其民前無明君卻迫罪役其進

與退維皆困窮此即今時是也 **傳** 雉雉衆多 **○** 正

義曰雉即說字說說羣聚之貌故為衆多也 **傳** 譖

不至不如 **○** 正義曰譖僭是偽妄之言故為不信也

胥相釋詁文以猶與者解以穀之義也穀善亦釋詁

文事有相對勢有相反言朋友不信不相與善道則

鹿之性雉者為相親善矣故言鹿相輩類偶匹為相

親善之意羣臣皆相欺背不相與善是則不能雉雉



人君是施政之本，民心所向，故以為前罪，役是既施之後，民心所畏，故以為卻，以此故進退有窮也。王肅云：進不遇明君，退不遇良臣，維以窮，箋不然者，以臣之佐君，共成其惡，不宜分之為二，故以施政本末為進。維此聖人，瞻言百里，維彼愚人，覆狂以喜。傳：瞻言百里，遠慮也。云：聖人所視而言者，百里言見事遠，而王不用有愚闇之人，為王言其事淺且近耳。王反迷惑，信用之而喜。同：覆芳服反，下及注除覆陰字皆同。征王居况反，鄭求芳反，為于偽反。匪言不能，胡斯畏忌。云：胡之言何也？賢者見此事之是非，非不能分別，卑白言之於王也。然不言之何也？此畏懼犯顏得罪罰。別彼列反。傳：維此至畏，早杜早反。忌。正義。

曰：此又言王親愚遠聖而賢者不敢言之，維此聖而通知之人，其所觀視而言者，乃遠知於百里之事，而王不寵用之。維彼愚而蔽闇之人，其所觀視而言者，乃遠不過知於分寸之理，今王反迷惑，以歡喜用之。賢者見王如是，實能辨其善惡，非是言之不能，其實能辨言之，而不肯言之者，何乎？此乃畏懼犯顏得罪，故不敢言之。刺王寵愛愚人，虐而拒諫。維此良人，弗求弗迪，維彼忍心，是顧是復。傳：迪，進也。云：良善也。國有善人，王不求索，不進用之，有忍為惡之心者，王反顧念而重複之，言其忽賢者而愛小人。迪，徐徒歷。傳：迪，進也。正義曰：釋詁文。國有至小人。正義曰：王不求索者，謂不肯求訪，搜索而覓之，假得又不肯進用之，故分為二也。顧念，謂初即見顧眷而念愛之，既用為官，又重複而昇進之，故亦分為二。維顧小人，不求進賢者，言其忽賢。毛詩疏 卷之三十三 十三 吸古閣

者而愛小人民之貪亂寧為荼毒云貪猶欲也天下之

民苦王之政欲其亂亡故安為苦毒之行相侵暴悞

悞使之然悞音徒悞舒運反貪猶至之然正義曰貪

欲也民性本好安寧今所以貪欲亂亡者以疾苦王

者之政欲使天下之亂得喪滅此王也荼苦葉毒者

整蟲荼毒皆惡物故此惡行天下之民苦王之政民

欲其亂亡故安然而為此惡行以相侵暴謂強陵弱

乃由悞悞王者使之然也大風有隧有空大谷傳隧

道也云西風謂之大風大風之行有所從而來必

從大空谷之中喻賢愚之所行各由其性大毛如

遂音維此良人作為式穀維彼不順征以中垢傳中

垢言闇冥也云作起式用征行也賢者在朝則用

其善道不順之人則行闇冥受性於天不可變也垢

反云大風至中垢正義曰上言王用惡人此又

有其道乃從彼有空大谷而來也以喻賢愚所為之

行亦自有其本乃由彼有稟天性而然由善惡自有

本性所行各依其本維此善德順道之人其所起為

之事皆用其善道行昭明之德維彼反道不順之人

其所行作之事皆不以其善用闇冥之行是各受天

性不可改稜刺王用此不移之惡使行政亂民傳

當陳陰者井堙木刊謂當陳道也西風至其性

西風成物物豐泰也下文說良人不順之人性

行故知喻賢愚各由其性中垢言暗冥大

義曰垢者土處中而有垢土故以中垢言暗冥也

三十四

大

風有隧。貪人敗類。聽言則對。誦言如醉。**傳**類善也。

云類等夷也。對答也。貪惡之人見道聽之言則應答

之見誦詩書之言則冥臥如醉。居上位而行此人或

效之。**同**。敗伯遵反。注**匪用其良覆俾我悖****傳**覆反也。

**云**居上位而不用善反使我為悖逆之行是形其

敗類之驗。**對反**悖蒲**來**大風至我悖。毛以為大風之

有性貪人有此惡行敗於善道。又言其敗善之事見

彼道聽之言則應答之見誦詩書之言則眠臥如醉。

居上而為此行令使下民效之非能聽用其言反使

我下民效之為悖逆之行是以惡行敗善也。鄭唯

類為等夷為異餘同。**正義**曰箋以貪者惡行自然反

類等至效之。**正義**曰箋以貪者惡行自然反

善不宜言敗善也。類者比類故為等夷。謂尊卑齊平

朝廷之人禮記注引四皓曰陛下之等夷亦謂尊卑

等也。聽言與誦言相對。誦言是誦習詩書之言則聽

言非典法之言故以為道聽之言。即論語所謂道聽

塗說者也。貪人之識不能鑒遠。聞淺近之言合其志

意則應答之。見誦詩書之言非心所解則眠臥如醉。

樂記魏文侯自言端冕而聽古樂唯恐臥。史記稱商

鞅說秦孝公以帝道孝公睡而弗應。皆是心所不悟

如醉然也。民之所為皆效君上。故曰居上位而行此

人或效之。言或者容其不必盡然。**居**居上位而行此

其不能用善。竝皆用惡。此惡行以教下民令民效之

是使我為悖逆之行。詩人善此事者是以形見其敗

類之驗也。敗類者謂敗其朝廷等類。此使民為惡行

則非其等類。而以此為敗類。驗者以善人與惡人為

類。善人欲教之為善。今惡人教人為惡。是善者敗也

故為**嗟爾朋友予豈不知而作如彼飛蟲時亦弋獲**

汝

拒末注秋文云距或作拒

炙赫



云嗟爾朋友者親而切磋之也而猶與也我豈不

知女所行者惡與直知之女所行如是猶鳥飛行白

恣東西南北時亦為弋射者所得言放縱久無所拘

制則將遇伺女之間者得誅女也又音閑既之陰

女反予來赫赫炙也云之往也口距人謂之赫

我恐女見弋獲既往覆陰女謂啓告之以患難也女

反赫我出言悖怒不受忠告陰鄭音蔭覆蔭也王

白反炮也與王赫斯怒同義本亦作赫鄭許嗟爾

嫁反莊子云以梁國嚇我是也難乃且反至來

赫正義曰上既言貪人敗善故又責此貪人嗟乎

汝朋友謂朝廷臣等我豈不知汝之所行者為惡與

戈當作弋

涼一作諒

言已知其惡也為惡不已如彼翻飛之蟲恃其羽翮

之力自恣東西南北有時亦為弋者所獲言貪人恃

此詐偽之智自恣侵害良善有時亦將為所誅恐汝

見誅之故既以善言往覆陰汝謂告之患難使之改

行汝何為反於我來赫然而拒我也言其不受忠告

必將誅滅嗟爾至誅女正義曰此言朋友還

是上之貪人貪人非詩人所親而謂之朋友者意欲

親而切磋之故以朋友言之經言飛蟲箋言飛鳥者

為戈所獲明是飛鳥蟲是鳥之大名故羽蟲三百六

十鳳皇為之長是鳥之稱蟲者也放縱久無所居制

謂侵害善人作惡不已則將有人伺汝之間暇誅汝

謂知其間隙發揚其罪告王使誅之也赫炙也

正義曰來赫者言其拒已之意故轉為嚇與王赫斯

怒義同是張口瞋怒之貌故箋以為口拒人謂之赫

定本集註毛傳云赫炙也王肅云我陰知汝行矣乃

反來嚇炙我欲有以退止我言者也傳意或然俗本

也諛民之罔極職涼善背涼薄也云職主諒信也

詩

卷之二十六

既之陰

逐

不勝其人者然  
竟托此字句

民之行失其中者，玉由為政者信用小人互相欺違。  
涼毛音良 為民不利如云不克。  
鄭音亮下同 云克勝也為政者害民如恐不得其勝言至酷也。  
酷口 民之回適。  
**職競用力** 云競逐也言民之行維邪者主由為政者遂用彊力相尚故也言民愁困用生多端。  
嗟反 邪似民之至用力。毛以為上既為不善政使民俗亦敗言下民之為此無中和之行主為偷薄之俗唯善於相欺背之事是由上行惡政故使之然在上行政為民所不利者如云恐畏不勝其人者然言其盡力為酷唯恐不勝也。上以虐政臨下下則姦巧避責今下民之行皆邪僻矣主為競逐用力言民皆以力相陵由王化然也。鄭以為為民之無中正者主由在上信用小人之工善於相欺背者下二句言民之所

以邪僻主由為政競逐用力唯以強力相尚務勝其民故下民愁苦皆為邪僻也。餘同。  
傳 涼薄。正義曰涼者薄德是涼為薄也。王肅云民之無中和主為薄俗善相欺背傳意當然此傳以涼為薄職為民所主為則下云職競職盜皆是民之所主不得與鄭同。  
傳 職主至欺違。正義曰職主諒信皆釋詁文箋以民之為惡由政不善則所言職者皆主由君政不宜為民意所主故易傳以諒為信由為政者信用小人之工相欺違者以此故下民皆無中正學相欺違也。善其事曰工故以工解善。  
傳 競逐至多端。正義曰釋言云競逐強也俱訓為強故競得為逐逐用強力相尚者謂有強力能威服下民者則尊尚之以此相尚則在位者皆競為強故下民愁困用此之故各生多端多端則邪僻是也。毛以職競用力為民所主為則是民主相與競用力為邪僻也。故王肅云今與競用力為之是也。  
**民之未戾職盜為寇**  
傳 戾定也

**云**為政者主作盜賊為寇害令民心動搖不安定也。**○**令力**○**涼曰不可覆背善詈。**○**云善猶大也我諫

止之以信言女所行者不可反背我而大詈言拒已

諫之甚。**○**晉力**○**雖曰匪子既作爾歌。**○**云予我也女

雖觥距已言此政非我所為我已作女所行之歌女

當受之而改悔。**○**觥距都禮。**○**民之至爾歌。**○**毛以

下民之心未能安定矣今民心皆主作盜賊枉為寇

害是未得安定矣以民之不定故我以信言諫王曰

汝所行者於理不可望王受而用之反背我而大罵

詈拒已作此惡事云非已所為汝雖言曰此惡政非

我所為我知汝實為之已作汝所為之歌歌汝之過

女當受而改之。**○**鄒唯上一句為異餘同。**○**庚定

**○**正義曰釋詁云戾定止也俱訓為止是戾得為定

也。毛以職盜為寇為民所主行則是民自作盜賊相

寇害也。

**桑柔十六章八章章八句八章章六句**

**雲漢仍叔美宣王也宣王承厲王之烈內有撥亂之**

**志遇災而懼側身脩行欲銷去之天下喜於王化**

**復行百姓見憂故作是詩也。****○**云仍叔周大夫也

春秋魯桓公五年夏天王使仍叔之子來聘烈餘

也雲漢天河也自此至常武六篇宣王之變大雅

**○**仍而升反撥半末反行下孟反銷音翦去起呂

反復扶又反下注復重并篇末注同見憂並如字

毛詩疏

卷之六之三十八

及古閣

自此字下三字釋文混入于注當細書

消

徐憂於傳雲漢八章章十句至是詩。正義曰：雲漢救反，漢詩者，周大夫仍叔所作，以美宣王也。以宣王承其父厲王衰亂之餘，政內有治亂之志，遇此旱災，而益憂懼，側已身以脩德行，欲以善政而銷去之，天下之民見其如此，喜於王者之化，復能施行，百姓見王所憂，矜故仍叔述民之情，作是雲漢之詩，以美之也。必本之於厲王之烈者，為撥亂張本，明宣王悼父之非，自力為善，已有撥亂之心，志遇災而益憂懼，見其憂民之情深也。撥亂者，以前有衰亂，欲治理之，哀十四年公羊傳曰：撥亂世反諸王，莫近於春秋何休云：撥猶治也，其意言春秋撥亂而作，欲治此亂，世使反諸正道，是撥亂為治亂也。遇災謂旱災，即經早既太甚，是也。側者，不正之言，謂反側也。憂不自安，故處身反側，欲行善政，以銷去此災也。喜於王化復行者，厲王之亂，王化不行，宣王施布王化，故喜其復行，經稱憂其旱災，為之祈禱，即是王化行也。王之憂旱，正為百姓，是天下百姓見被憂矜，非百官也。宣王遭旱，早

晚及早年多少，經傳無文，皇甫謐以為宣王元年不藉千畝，號文公諫而不聽，天下大旱，二年不雨，至六年乃雨，以為二年始旱，早積五年，謐之此言無所憑據，不可依信。經八章皆言王之憂旱，百姓喜之之事。傳仍叔至烈餘。正義曰：仍氏叔字春秋之例，天子公卿稱爵，大夫則稱字，此言仍叔故知大夫也。桓五年夏，天王使仍叔之子來聘，則春秋經也。引之者，證此仍叔是天子大夫也。以史記考之，桓之五年，上距宣王之崩七年，六年至其初則百餘年也。未審此詩何時而作為，別人可也。何則？春秋之世，晉之知氏，世稱伯趙氏，世稱孟仍氏，或亦世稱字叔為別人可也。烈餘釋詁文。

**倬彼雲漢，昭回于天。**傳回轉也。箋云：雲漢謂天河也。昭

光也。倬然，天河水氣也。精光轉運於天，時旱渴雨，故宣王夜仰視天河，望其候焉。說文倬，陟角反，王云著也。說文云：著大也。愒，苦蓋

反貪也。本又作渴。王曰於乎何辜今之人。天降喪亂。

**饑饉薦臻**。薦重臻至也。云辜罪也。王憂旱而嗟。

歎云何罪與。今時天下之人。天仍下旱災。亡亂之道。

饑饉之害。復重至也。饑音飢。又音機。饉其斬反。薦

同。與音餘。下所困與。靡神不舉。靡愛斯牲。圭璧既卒。

寧莫我聽。云靡莫皆無也。言王為旱之故。求於羣

神。無不祭也。無所愛於三牲。禮神之圭璧。又已盡矣。

曾無聽聆我之精神。而與雲雨。聽依義吐定反。協

下為旱同。倬彼至我聽。正義曰。於時旱災已甚。

聆音零。王憂念下民。夜仰視天。瞻望而俟。見倬

然而明大者。彼天之雲漢。其水氣精光。轉運於天。未

有雨。徵王乃言曰。於乎可嗟。歎我何罪乎。我今時之

人。何罪而為天所罰。乃使上天下此喪亂之災。使饑

饉之害。頻頻重至也。何罪故以訴之。又言已為旱之

故。祈禱明神。無有神不求而舉祭之者。言其徧祭羣

神。又無愛於此三牲。言其不恡牲物。又禮神圭璧。既

已盡矣。言已牲玉不愛。精誠又甚。何為諸神曾無於

我。而見聽聆。欲加祐助者。而使其旱災若此也。

雲漢至倬焉。正義曰。此雲漢與大東。天漢為一。故

云天河也。昭光釋詁文。河圖括地象云。河精上為天

漢。是天河。河水光之精氣也。望其候者。謂望天之星

辰。及風雲之氣。冀見雨之徵候也。惟言望雲漢者。以

天河水氣與雨為類。觀天之水氣。傷地之無雨。宣王

意在天河。故作者特言焉。薦重臻至。正義曰。

釋言云。荐再也。倍十三年左傳曰。晉荐饑。釋天云。仍

饑為荐。此薦與荐字異。義同。故為重也。臻至。釋詁文。



字皆作乃字宣王遭旱非止一年故皇甫謐以為旱積五年五年之言未知信否要言饑饉薦臻必是連年不熟故云饑饉之害復重至也。正義曰求於羣神無所不祭即下經所陳上天下地從郊至宮之類也大司徒以荒政十有二聚萬民其一有口索鬼神注云荒凶年也鄭司農云索鬼神者求廢祀而脩之雲漢之詩所謂靡神不舉靡愛斯牲是也下傳亦云國有凶荒則索鬼神而祭之是遭遇天災必當廣祭羣神皆用牲祭之故言靡愛斯牲徧祈羣神所祭者廣天地五帝常用特牲其餘諸神或用太牢或用少牢三牲皆用故言無所愛於三牲也祭神又用玉器春官大司馬以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方典瑞云四圭有邸以祀天兩圭有邸以祀地裸圭有瓚以祀先王圭璧以祀日月星辰璋邸射以祀山川皆是祭神所用故云禮神之圭璧已盡矣禮神之圭器自有多各言圭璧為其總稱以三牲用不可盡故言無

愛圭璧少而易竭故言既盡倍二十五年左傳曰凡天災有幣無牲而此云靡愛斯物者設文之意各有所主彼因日食大水而發此言天之見異所以謹告人君只欲令改過脩善非為求人飲食而降此災異於時魯不罪已脩政謂天求飲食而用牲祭之望天不為咎故傳據正禮諸侯當用幣於社以告請上公伐鼓於朝退以自責不宜用牲於社與之飲食故云有幣無牲謂救止天災告社之法不當用牲也至於水旱荐至禱祀羣神以祈福祥遇止災沴者則不得不用牲也何則司徒荒政索鬼神謂祭祀之也若不以牲祭索之何也祭法曰埋少牢於泰昭祭時也禋祈於坎壇祭寒暑也王宮祭日也夜明祭月也幽祭祭星也雩祭祭水旱也注云凡此以下皆祭用少牢寒暑不時或禳之或祈之是說祈禱之祭用牲也又春官太祝掌六祈以同鬼神示類造禴禘禘祭說注云造類禴禘皆有牲政說用幣而已是天災祈禱有用牲也歲或水旱皆是上天之為假祭羣神未必能已聖王制此禮者何哉將以災旱不熟必至於死人若

尚 燧 音

為之父母不可忍觀窮厄固當責躬罪已求天禱神  
罄忠誠之心為百姓請命聖人緣人之情而作為此  
禮非言祈禱必能止災也徒以民情可矜不  
得不為之禱禱而無雨不得不訴於神耳

甚蘊隆蟲蟲

**傳**

蘊蘊而暑隆隆而雷蟲蟲而熱

**箋**

云

隆隆而雷非雨雷也雷聲尚殷殷然

大意泰徐他  
佐反下大甚並

同蘊紆粉反本又作煜紆文反

韓詩作鬱同蟲直忠

反徐徒冬反爾雅作燧云熏也

郭又都冬反韓詩作

然一本作雨雷之聲當殷殷然

不殄禋祀自郊徂宮

然一本作雨雷之聲當殷殷然

上下奠瘞靡神不宗

**傳**

上祭天下祭地奠其禮瘞其

物宗尊也國有凶荒則索鬼神而祭之

**箋**

云宮宗廟

也為早故潔祀不絕從郊而至宗廟奠瘞天地之神

無不齊肅而尊敬之言徧至也

奠徒薦反瘞於例  
反埋也索色白反齊

側皆反本亦

作齋徧音遍 后稷不克上帝不臨耗斁下土寧丁我

躬

**傳**

丁當也 云克當作刻刻識也斁敗也奠瘞羣

神而不得雨是我先祖后稷不識知我之所困與天

不視我之精誠與猶以旱耗敗天下為害曾使當我

之身有此乎先后稷後上帝亦從宮之郊

耗呼報  
反韓詩云

惡也斁丁故反說

**疏**

早既至我躬。毛以為皆述宣

文字林皆作釋

王之辭言天雨不降旱勢已太

甚矣其暑氣蘊蘊然雷聲隆隆然熱氣蟲蟲然酷熱

如此無復雨意故我勤於請禱不絕其潔敬之祭既

祀天於郊又從郊而往至宗廟之宮以次而祭未嘗

絕已其祭之禮則上祭天下祭地而天則奠其禮地

毛詩

卷之二十二

及古

之郊一作至郊

則瘞其物從此以至於百靈無神而不齋肅尊敬之者言皆尊敬之我精誠如此雨澤不降是先祖后稷不能福祐我也皇天上帝不能臨饗我也若稷能祐我天意臨我則應助我以福何故以此旱災耗敗天下土地之國會使正當我身有此旱乎。鄭唯不克不臨為異餘同。○**傳**蘊蘊至而熱。正義曰蘊蘊暑氣附人之氣故云而暑溫字定本作蘊。隆隆是雷聲不絕之狀故云而雷。蟲蟲是熱氣蒸人之貌故云而熱以蘊隆貌狀宜重言故復言之也。暑熱不同蘊平常之熱而蟲蟲又甚熱故暑熱異其文。釋訓云蟲蟲薰也。郭璞曰旱熱薰炙人也。○**傳**隆隆至殷殷然。正義曰以雷雨相將嫌旱不得有雷故辨之云非雨雷取殷其雷以證之明雷同而事別也。○**傳**上祭至祭之。正義曰以郊為祭天即此上也。上既為天下與之對故知是地也。奠謂置之於地瘞謂埋之於土禮與物皆謂為禮事神之物酒食牲玉之屬也。天言奠其禮見燔其物地言瘞其物亦奠其禮也。天地各舉其一互以相通國有凶荒則索鬼神而祭之即司

徒荒政索鬼神是也言此者解靡神不宗之意。○**傳**宮宗至徧至。正義曰以言祭祀而云宮故知宮為宗廟也。祭郊祭廟不必同日為之而云自郊徂宮為相因之勢者明其不絕之意也。靡神不宗與奠瘞別句則所宗者天地之外其餘百神而箋連其文云奠瘞天地之神無不齊肅而尊敬之以奠瘞即是尊敬之事明其餘羣神亦奠瘞之無不者廣及之辭言其祭祀徧至也。○**傳**丁當。正義曰釋詁文毛無破字之理必不與鄭同蓋以克為能王肅云后稷不能福祐我邪上帝不能臨饗我邪天下耗敗當我身邪傳意或然則能與臨異文者以后稷是已之先祖心必助之但苦其不能耳。天則非已之視故云不臨。○**傳**克當至之郊。正義曰以上帝不臨者上帝不視下則后稷不克者當謂后稷不知已故轉克為刻刻削所以記識故云刻識也。洪範云彝倫攸斃斃是聰敗之義故為敗也。不知困苦不視精誠其意亦同正以困苦欲其知精誠欲其見故分屬之耳。上云不絕禋祀即云從郊往宮此先言后稷後言上帝與上郊至

毛詩疏

卷之二十三

及古月

有如一作如有

今

宮文倒明又見從宮  
至郊為不絕之義也  
**早既太甚則不可推兢兢業業**

**如霆如雷周餘黎民靡有子遺**  
**傳**推去也兢兢恐也

業業危也子然遺失也  
**傳**云黎黎眾也早既不可移去

天下困於饑饉皆心動意懼兢兢然業業然狀有如

雷霆近發於上周之眾民多有死亡者矣幸其餘無

有子遺者言又餓病也  
**推吐雷反注同魏本又作**

霆音廷又音挺一音徒佞反子居熱  
反去起呂反下同恐丘勇反下同  
**昊天上帝則不**

**我遺胡不相畏先祖于摧**  
**傳**推至也  
**傳**云摧當作唯

唯嗟也天將遂早餓殺我與先祖何不助我恐懼使

以漏

天雨也先祖之神于嗟乎告困之辭  
**相毛如字鄭**

反又子雷反鄭  
**傳**早既至于摧  
**毛以為宜王言早**

作唯子雷反  
**傳**熱已大甚矣不可令之移去矣天

下困於饑饉心動意懼皆兢兢然而恐怖業業然而

憂危其危恐也如有霆之鼓於天如有雷之發於上

言其恐怖之甚也疑此故周之民多死亡矣其餘不

死之眾民無有子然得遺漑而不餓病者言死亡之

餘又皆饑困也昊天上帝如此酷旱則不於我民使

有遺雷其意將欲盡殺我民也先祖之神見天如此

何不助我畏此早災使天雨也天若不雨民將餓死

先祖之神於何所歸而至乎言民盡餓死則神無所

歸欲令先祖助已憂也此胡不相畏責先祖不助已

則先祖之文宜在胡不之上但下之與于推共句耳

○鄭唯以于摧為嗟嘆告困苦之辭為異餘同  
**傳**

推去至遺失○正義曰推是遠離之辭故為去也釋

訓云兢兢戒也以恐怖而後戒懼故為戒也業業危

釋訓云子然孤獨之貌言靡有子遺謂無有子然得

遺漏定本及集注皆云子然遺失也俗本有無字者  
 誤也。黎衆至餓病。正義曰黎衆釋詁文以旱  
 災殺人而言周餘衆民故知餘是死亡之餘既言有  
 餘則是有民存矣而復言靡有子遺無有子遺乃是  
 悉盡之言故知無有子遺謂餓病也其意言死者已  
 死存者又餓無有子然不餓病者非謂盡死無子然  
 也。推至。正義曰釋詁文孫毓云我今死亡先  
 祖之神於何所至言將無所歸也今以孫爲毛說。  
 推當至之辭。正義曰箋以先祖于至於辭不安  
 故轉推爲唯唯者咨嗟告困之辭以上言死亡者已  
 死遺餘者復病是天氣遂欲餓殺我也解則不我遺  
 之意相訓助也畏是懼也故言何爲不助我恐懼使  
 天雨也責其不助已者責先祖也先言所責之意乃  
 呼之號呼即吁嗟告苦故先祖與于推共句爲文勢  
 然旱既太甚則不可沮赫赫炎炎云我無所大命近  
 止靡瞻靡顧。沮止也赫赫旱氣也炎炎熱氣也大

命近止民近死亡也。云旱既不可卻止熱氣大盛  
 人皆不堪言我無所庇陰處衆民之命近將死亡矣  
 會無所視無所顧於此國中而哀閔之。沮在呂反  
 或作憒音同近附近之近。芘音秘又必羣公先正則  
 二反本亦作庇陰於鳩反本亦作廕。羣公先正則  
 不我助父母先祖胡寧忍予。先正百辟卿士也先  
 祖文武爲民父母也。云百辟卿士雩祀所及者今  
 會無肯助我憂旱先祖文武又何爲施忍於我不使  
 天雨。辟音璧下同。言旱勢既已太甚則不可止  
 卻之矣故使旱之爲勢赫赫然既盛炎炎然薰熱其  
 時之人不能堪之皆云我欲避之無庇陰處所是旱

熱之甚以此之故令多大眾民之命近將死亡言其  
去死不遠上天何曾無肯瞻察無肯顧念而哀閔之  
也既言怨天不顧念又復廣訴明神古者有德之羣  
公及先世之長官百辟卿士之等何曾不於我民助  
憂此旱今天降雨也其為民之父母者先祖文王武  
王如此聖德應能動天何曾施忍於我不使天雨是  
欲不為民之父母棄此民故訴之。傳沮止至死亡  
。正義曰沮者止壞謀慮之言故為止也赫赫燥熱  
之狀故為旱氣釋訓云炎炎薰也郭璞曰旱熱薰炙  
人是炎炎為熱氣也命者人所稟受之度死則謂之  
命盡今言大命近止言期不遠將漸故為民近死亡  
大者多眾之辭故箋以為眾民之命。傳先正至父  
母。正義曰正者長也先世為官之長又與羣公相  
配故知是百辟卿士也凡在民上皆欲為民父母但  
他人稱之唯謂受命安民者也於民則為父母於周  
則為先祖故言先祖文武以其為民父母故稱父母  
欲見先祖父母為一故先解先祖必知先祖唯文武  
者以此詩所訴皆所祭之神周立七廟親廟四非受

命立功不足徧訴上章已言后稷明此唯文武耳。  
傳百辟至天雨。正義曰解其訴先正不助之意由  
雩祀所及故也月令仲夏乃命百官雩祀百辟卿士  
有益於民者注云百辟卿士古之上公以下若勾龍  
后稷之類彼以經無羣公之文故鄭注百辟之文兼  
羣公矣此則羣公與先正別文故以先正為卿士以  
下凡有采地皆稱曰君舉衆言之故謂之百辟鄭唯  
言百辟卿士雩祀所及不言羣公羣公亦是雩祀所  
及即月令注云上公是也但乘傳而說又據月令成  
文故不言羣公耳百辟卿士訴其不助我憂旱先祖  
文武言施忍於我不使天旱既太甚滌滌山川旱魃  
雨二文不同互以相足。旱既太甚滌滌山川旱魃  
為虐如暎如焚我心憚暑憂心如熏。傳滌滌旱氣也  
山無木川無水魃旱神也暎燎之也憚勞熏灼也。  
云憚猶畏也旱既害於山川矣其氣生魃而害益甚

見

草木焦枯如見焚燎然王心又畏難此熱氣如灼爛  
 於火言熱氣至極。○滌徒歷反。懸蒲未反。煖音淡。說  
 同扶云反。憚毛丁佐反。韓詩云苦也。鄭徒且反。熏本  
 又作燠。許云反。燎力皎反。又力照反。焦子消反。難乃  
 反。且羣公先正則不我聞。昊天上帝寧俾我遯。○六不  
 我聞者忽然不聽我之所言也。天曾將使我心遯遯  
 慙媿於天下以無德也。○遯本亦作。○早既至我遯  
 王言旱勢已太甚矣。其旱氣乃滌滌然害及於山川  
 使山無木川無水也。又熱氣積聚生此旱魃之神為  
 此虐害旱更益甚也。今草木焦枯如炎之煖燒如火  
 之焚燎然也。我王之心又勞於暑熱之氣憂在於心  
 如為火所熏灼於已以早熱之極。又告訴明神羣公  
 先正曾不於我有所聞察而告知其精誠邪而不使

而

天雨昊天上帝何曾使我心遯遯慙媿於天下也以  
 無德不能致雨故王心所以慙媿。○鄭唯以憚暑為  
 畏懼此暑為異餘同。○滌滌至熏灼。○正義曰此  
 皆為旱而言故知滌滌是旱氣也。旱氣之害於山川  
 者故為山無木川無水蓋以少而不茂非全無也。慙  
 字從鬼連旱言之故知旱神神異經曰南方有人長  
 二三尺袒身而目在頂上行走如風名曰魃所見之  
 國大旱赤地千里一名旱母遇者得之投溷中即死  
 旱災消此言旱神蓋是鬼魅之物不必生於南方可  
 以為人所執獲也。焚燎皆火燒之名下有如焚故以  
 煖為燎也。定本經中作如煖如焚憚勞釋詁文毛讀  
 為憚丁佐反故為勞也。熏灼俱焚炙之義故為灼也。  
 ○憚猶至至極。○正義曰箋以暑熱人之所畏故  
 讀為憚徒旦反憚猶畏也。此與上章同言旱事而先  
 輕後重使稍稍益甚故至於此章言害及山川又生  
 厥鬼為加增於前故箋言為害益甚上言而害益甚  
 上言云我無所直是民無所庇此言王心畏憚似見  
 其甚於前也以天子之尊寒暑有備尚云畏難此言

毛詩

卷之二十七


及古

熱氣至極也。早既太甚。黽勉畏去。胡寧瘕我以旱。慳不知其故。



云瘕病也。黽勉急禱請也。欲使所尤畏者去。

所尤畏者。魁也。天何曾病我。以旱曾不知為政所失。而致此害。



○魁彌甚反。又音湏。瘕都田反。沈又都薦反。韓詩作疹。恥吝反。云重也。慳七感反。曾也。禱丁老反。

或都報反。祈年孔夙。方社不莫。昊天上帝。則不我虞。敬恭明神。宜無悔怒。




悔恨也。



云虞度也。我所

豐年甚早。祭四方與社。又不晚。天曾不度。知我心肅。事明神如是。明神宜不恨怒於我。我何由常遭此旱也。




○莫音暮。本亦作暮。明神本或作明。祀怒協韻。乃路反。度待洛反。下同。



此害。○正

義曰。以瘕字從病類。故為病也。黽勉者。勉力事神。是急於禱請。承上章早魁之下。故知所尤畏者。魁也。水旱之災。多由政失。故我曾不知為政所失。而致此害。



○我祈至不晚。正義曰。月令孟春。祈穀于上帝。孟冬。祈來年於天宗。是也。祭四方與社。即以社以方是也。



早既太甚。散無友紀。鞠哉庶正。疚哉冢宰。趣馬師氏。膳夫左右。



歲凶年穀

不登。則趣馬不秣。師氏弛其兵。馳道不除。祭事不縣。膳夫徹膳。左右布而不脩。大夫不食梁。士飲酒不樂。



云。人君以羣臣為友。散無其紀者。凶年祿餼不足。

人無賞賜也。鞠窮也。庶正。眾官之長也。疚。病也。窮。病也。窮哉。病哉者。念此諸臣勤於事而困於食。以此言勞倦也。



誅  
弛

印

○鞠居六反。疾音救。本或作灾。又作究。同。趣七口反。趣馬官名。秣音末。穀馬也。說文作揀。飛式氏反。本又作弛。同。縣音玄。儼許氣反。長丁丈反。下之長同。勞力報反。靡人不周。無不能止。傳周救也。無不能止。言無止不能也。云周當作調。王以諸臣困於食。人人調給之。權救其急。後日乏無不能豫止。音周。瞻印昊天。云如何里。云里憂也。王愁悶於不雨。但仰天曰。當如我之憂何。音仰。本亦字憂也。本亦作瘞。爾雅。旱既至何里。毛以為上作悝。並同。王曰。瘞病也。言訴不得雨。此言殺禮救厄。宣王言。今旱既太甚矣。歲凶如此。汝羣臣宜且離散。無復羣臣朋友之綱紀。王者班爵賜祿。所以綱紀羣臣。今祿餼不足。是無綱紀也。祿既不足。故設辭閔之。窮困哉。汝眾官之長。饑病哉。汝冢宰及趣馬師氏。

膳夫左右之官。所以令汝窮困哉。汝等諸臣。無有一人而不調救其百姓。困急者。謂諸臣之中。無有自言不能調救而止不為者。以此今貧恤寡之故。使汝等益困也。王見羣臣之困如此。乃瞻望而仰視昊天。訴之云。如之何。使我如此憂也。欲令天知其憂。愁得釋之。鄭唯靡人不周。言我王於汝眾。人無人不且調給。以權救其急難。雖後日乏無不能豫止。而不調給。言王竭其所有。欲與羣臣俱困。不自留以為餘糧也。餘同。歲凶至不樂。正義曰。釋天云。夏曰歲。周曰年。孫炎曰。四時一終曰歲。取歲星行一次也。年取穀一熟也。然則歲之與年。異名而實同。歲凶。謂此歲凶也。年穀不登。登成也。謂此年之穀不成熟也。此即凶年之實。故言歲凶為之。曰於此之時。則趣馬之官。不以粟秣養其馬。師氏之官。弛廢其兵。而不用所驅馳之大道。不使人除治之。祭祀之事。不懸其樂。膳夫之官。減徹王之膳食。左右之官。布列於位。不令有所脩造。大夫不得食穀米。士飲酒之時。不得作樂。此當先有成文。故傳引之。以明凶年之禮。雖經無其事。以

三詩

卷之三十九

及左

其

類言之其歲凶年穀不登馳道不除祭祀不縣大夫  
 不食梁士飲酒不樂不曲禮有其事其餘不知所出  
 也曲禮又有君膳不祭肺馬不食穀與此徹膳不稌  
 意同而文異耳左右君之左右總謂諸臣不脩者無  
 所脩作穀梁傳曰百官布而不制是也歲凶者總辭  
 而其凶有大小故穀梁傳又曰一穀不升謂之歉二  
 穀不升謂之饑三穀不升謂之饉四穀不升謂之康  
 五穀不升謂之大侵皆是歲凶也趣馬主馬故言不  
 秣師氏掌使其屬率四夷之隸各以其兵服守王之  
 門外且蹕朝在野外則守列是掌其近王之兵故令  
 弛其兵也大司徒荒政共十有二曰除盜賊注云除  
 之者饑饉則盜賊多不可不除則常用兵此言弛之  
 者弛謂舍力不役之耳其除盜賊之兵不得廢也故  
 春秋僖二十一年旱左傳稱臧文仲慮無道之國因  
 凶加兵勸僖公使降城郭明凶年盜賊益預防之彼  
 以春秋之世強弱相陵文仲度時而言勸脩城郭不  
 是凶荒之年必須脩城也馳道不除者曲禮注云為  
 妨民取蔬食故也穀梁傳大侵之禮亦云道不除四

令

穀不升以上道或仍除之地官均人注云人食二釜  
 之歲猶云旬用一日是小凶之年猶有道渠之役也  
 言祭事不懸則有事但不懸樂耳穀梁傳又曰大侵  
 之禮禱而不祀然則此云祭者正謂祈禱之祭不用  
 樂也司徒荒政九曰蕃樂杜子春云蕃謂藏樂器而  
 不作是凶年吉事皆無樂也徹膳者天子日食太牢  
 今減損之也曲禮云君膳不祭肺注云不祭肺則不  
 殺以人君之於凶年今不殺矣而穀梁大侵之禮又  
 云君食不兼味白虎通云五穀不熟故王者為之不  
 盡味大戴禮云不備牲言不兼不盡不備是猶有牲  
 肉但不備之耳然則鄭云則不殺者謂不如常法日  
 日殺之耳非是常不殺也其非大侵者大戴禮白虎  
 通皆云一穀不升徹鶉鷄二穀不升去鳧雁三穀不  
 升去兔四穀不升去圉獸是凶有大小所徹不等也  
 大夫不食梁士飲酒不樂亦明皆飲酒而不樂也  
 抑云視爾友君子是人君謂羣臣為友也君臣之義  
 不可廢而云散無綱紀者由祿餼不足又無賞賜皆

困於飢不能如常相紀領故謂之散非即分散去朝也衆官之長者周官三百六十每官各有其長疾病釋詁文經言鞠哉庶正是總言羣臣又言疚病哉乃歷數其人疚哉之文通及於下家宰以下亦是庶正故箋總之云窮哉病哉念此諸臣勤於事而困於食言爲深閔之辭。周救至不能。正義曰以救而念之周備故周爲救也無不能止者無爲不能救人而自止故解其意言朝廷之臣悉皆救人無止而不能者王肅云靡人而不周其急也無不能而止者其發倉廩散積聚有分無多分寡無敢有不能而止者言上下同也。周當至豫止。正義曰以周救於人其字當從貝故轉爲朋以上言王之於臣祿餼不足則此言當謂王救羣臣不宜爲羣臣救人故易傳以爲王雖不得如常豐年依法祿賜以諸臣困於食故人人亦賜給之權時救其太急若言王盡恩於臣也。里憂。正義曰釋。瞻印昊天有嘒其星大夫。諸文彼里作憚音義同。

君子昭假無贏大命近止無棄爾成。嘒衆星貌假

至也。云假升也王仰天見衆星順天而行嘒嘒然

一意感故謂其卿大夫曰天之光耀升行不休無自贏

緩之時今衆員之命近將死亡勉之助我無棄女之

成功者若其枉職復無幾何以勸之也。嘒呼惠反

鄭古雅反贏音。何求爲我以戾庶正。戾定也。云

使女無棄成功者何但求爲我身乎乃欲以安定衆

官之長憂其職事。爲于僞。瞻印昊天曷惠其寧。反注同。

云曷何也王仰天曰當何時順我之求令我心安乎。

至也

勤按死三止句絕

感

渴雨之時也。得雨則心安。○令力。瞻仰至其寧。○  
 臣同恤。此又勸以終之。宣王以旱之故。遂瞻望仰視  
 於昊天。唯見有嘽然。光明之衆星。以天星炳耀。未有  
 雨徵。遂感而言曰。汝卿大夫之君子。所同恤者。當昭  
 見其至誠。於天下。無敢有私贏。而不敷散。所以然者。  
 多大衆人之命。皆近於死亡。止汝當救。以全之。無得  
 贏而不救。以棄汝之成功。言能救而全之。則功成也。  
 又云。令汝必救之者。何止求為我。欲存於民困乎。乃  
 以安定汝之所居。為此衆官之長。以其為官之長。則  
 與君同憂。故勸使救民。以自安定。王既勸羣臣。仍憂  
 民困。又瞻望仰視。昊天。訴之云。昊天何時當順我所  
 求。其令我心得安寧。言求而得雨。則心安也。○鄭以  
 為王既賜救。羣臣又勸其勉力。助已。王瞻仰昊天。見  
 有嘽嘽然。其星順天而行。無時止息。因而意成。謂羣  
 臣卿大夫之君子。此天之光耀。升行至極。無自贏。緩  
 之時。今衆民之命。近將死亡。汝等亦當法天。無贏助  
 我求雨。無得懈怠。稟汝成功。言天不應盡殺衆民。雨

將不久。若其得雨。即是功成。故勸令勉力。餘同。○  
 嘽衆至假至。○

○正義曰。以嘽文連星。故為星貌。假至釋詁文。王肅  
 云。大夫君子公卿大夫也。昭其至誠於天下。無敢有  
 私贏之而不敷散。大夫君子所以無私贏者。以民近  
 死亡。當賑救之。以全汝之成功。傳意或然。觀此文勢。  
 上章或亦不同。今以毛無別訓。遂作同解。○假升  
 至勸之。○正義曰。假升釋詁文。以承天星之下。宜為  
 天星光耀。升行。故易傳也。仰天見星。即戒大夫君子  
 故知見衆星順天而行。意感也。以天星升行不休。謂  
 人亦當然。因此而勸之。言無棄爾。為戒勸之辭。故知  
 令勉之助我也。又解度已求雨。所以得為成功者。以  
 天之生民。終無盡殺之理。今民命近死。若其民當存  
 生。復無幾何時。必應得雨。故以此言勸之。○使女  
 至職事。○正義曰。此衆官之長。魯位已高。體國情深。  
 助王憂雨。於已職事。不能安定。今勸令助已。亦所以  
 安定其身。故云。何但求於我身乎。  
 乃欲安定汝衆官之長。憂其職事。

助

為

雲漢八章章十句

益稷ヨリ始テ古ラ校シナラシ付足シホル

大禹漢一篇未定〇成周十八日甘誓

刊迄未校〇大甲

亂征

益稷ヨリ始テ古ラ校シナラシ付足シホル  
大禹漢一篇未定〇成周十八日甘誓  
刊迄未校〇大甲

